

ABRAHAMA ILAY PATRIARKA

 Ny Bokin'ny Genesisy indray, ny toko faha-22, manomboka amin'ny andininy faha-15, ary manantena isika ankehitriny ny hiresaka mandritry ny fotoana fohy fotsiny ary hanomboka ny fotoana. Genesisy 22, manomboka amin'ny andininy faha-15.

Ary ilay anjelin'ny TOMPO niantso an'i Abrahama fanindroany avy tany an-danitra,

Ka nanao hoe, Ny tenako no nianianako, hoy ny TOMPO satria nanao izany zavatra izany ianao, ka tsy niaro ny zanakao, ilay lahitokanao:

Dia hitahy anao tokoa aho, ary hahamaro dia hahamaro ny taranakao aho ho tahaka ny kintana eny amin'ny lanitra, sy ho tahaka ny fasika izay any amoron-drano masina; ary ny taranakao hahazo ny vavahadin'ny fahavalony;

Ary amin'ny taranakao no hitahiana ny firenena rehetra ambonin'ny tany; satria nanaiky ny feoko ianao.

² Teny fikasana iray toy ny inona, nohon'ny fankatoavana! Ny fankatoavana no ilain'Andriamanitra. Izao no voalaza indray mandeha hoe, "Ny fankatoavana dia tsaratsara kokoa noho ny fanatitra." Ny mankatò ny Tompo dia tsaratsara kokoa noho ny fanatitra izay azonareo hatao.

³ Manatrika latenay lehibe iray isika ankehitriny, izao hariva izao, *Abrahama Ilay Patriarka*, izay nantsoina hoe "ilay rain'ny Finoana," satria nanao teny fikasana taminy Andriamanitra mba handova ny tany, sy ny Taranany. Ary amin'ny alàlan'i Abrahama isika, satria maty ao amin'i Kristy, dia lasa Taranak'i Abrahama ka mandova miaraka Aminy araka ny teny fikasana.

⁴ Ankehitriny, Abrahama dia olona tsotra iray fotsiny, tsy zavatra manokana. Tsy niantso azy mihitsy Andriamanitra, araka ny firaketana ananantsika, raha tsy dimy amby fitopolo taona izy. Ny vadiny, izay isan'ny anabaviny, dia dimy amby enimpolo taona tamin'ilay fotoana, mety efa niaraniaina izy ireo hatramin'ny naha-tena tanora azy ireo mihitsy. Ary momba izy, ka tsy nanana zanaka. Nitaky fisarahana manontolo Andriamanitra, mba hanasaraka ny tenany amin'ny sisam'izao tontolo izao, sy amin'ny olony rehetra, ary amin'ny havany rehetra. Nisy zavatra manokana iray hataony.

⁵ Ary rehefa miandry anareo hanao zavatra manokana iray Andriamanitra, dia mangataka fisarahana manontolo amin'ny fisalasalana rehetra Izy. Tsy maintsy tonga eo amin'ny fankatoavana feno ianareo, mba hankatò an'izay Lazainy. Mangataka an'izany Andriamanitra. Tsy afaka manao an'izany

amin'ny fomba hafa ianareo. Ary, ankehitriny, mametraka ohatra iray foana Izy, ary izany no Ohatrany, an'ny fisarahana manontolo amin'ny fianakaviany rehetra, amin'ny havany rehetra, sy ny sisa, mba handeha amin'ny fiainana iray voasaraka ho an'Andriamanitra.

⁶ Nandeha ny taona, tsy nisy na inona na inona nitranga, saingy mbola nifikitra foana i Abrahama. Tsy kivy izy. "Tsy niahahanahana tamin'ny teny fikasan'Andriamanitra tamin'ny tsifinoana izy, fa nahery, nanome ny dera ho an'Andriamanitra."

⁷ Isan-taona, araka ny nandehanany, tsy isalasalana fa mpitsikera maro no tonga ka nanao hoe, "Ry Abrahama, rain'ny firenena, zanaka firy no anananao ankehitriny?" Tsy nampiahanahana azy izany. Tsy nanan-janaka, ary Saraha dia efa nihoatra ny andron'aina, an'ny fitondrana zanaka, mazava ho azy, tany ankoatry ny fitsaha-jaza, saingy mbola nino foana Abrahama fa tsy miova fotsiny Andriamanitra. Nanao ny fanomanana ho an'ilay zazakely izy, satria fantany ary resy lahatra tanteraka izy fa Andriamanitra dia tsy afaka hanao teny fikasana iray ka hoe tsy goavana loatra Izy mba hahatazona an'izany.

⁸ Ny Taranany dia tokony hieritreritra an'ilay zavatra iray ihany. Tsy mampaninona na toa tsy marina toy ny ahoana aza izany, toa tsy ara-boajanahary amin'ny fisainana ara-boajanahary toy ny ahoana izany, kanefa Andriamanitra dia tsy afaka manao teny fikasana iray ka hoe tsy goavana loatra Izy mba hahanteraka an'izany. Mino an'ilay zavatra iray ihany isika amin'izao andro izao. Ny Taranak'i Abrahama marina tsirairay dia mino an'ilay zavatra iray ihany. Tsy mampaninona na inona ireo zava-mitranga idirana, fahalalana firy no nangonintsika, zavatra firy no nitranga, tsy ara-boajanahary amin'ny fisainana ara-boajanahary toy ny ahoana izany, adala toy ny ahoana izany, raha ny marina, ho an'ilay fisainana ara-boajanahary, dia tsy manao fahasamihafana izany na kely aza. Raha Andriamanitra no nilaza an'izany, dia izay ilay izy. Ary ny Taranak'i Abrahama dia miorina eo ambonin'ny HOY NY TOMPO HOE. Milamina hatreо izany.

⁹ Hitantsika fa, dimy amby roapololo taona taty aorina, dia tsy nisy zanaka. Ary Andriamanitra dia mbola nahatoky foana mba hihazona ny Fampantanenany tamin'i Abrahama, satria nino an'Andriamanitra i Abrahama. Tonga teo amin'ny sehatra ilay zazalahy kely, Isaka kely.

¹⁰ Avy eo rehefa tonga teo amin'ny sehatra Isaka kely, tamin'izay fotoana izay dia hitantsika fa nanome azy fitsapana roa Andriamanitra. Hoy Izy hoe, "Ity ankizy ity..." Ankehitriny taorian'ny teo amin'ny dimy ambin'ny folo amby zato taona, na roapololo, i Abrahama. Hoy Izy hoe, "Tiako ianao haka an'io, ny zanaka lahitokanao, ary hitondra azy any amin'ny

tendrombohitra izay Hasehoko anao, ka any no hanoloranao azy, eo amin'izany tendrombohitra izany, ho fanatitra iray." Amin'ny teny hafa, dia mandrava ny porofo rehetra nananany hoe ho tanteraka ilay teny fikasana. Izany dia manaisotra ny zavatra ara-boajanahary rehetra.

¹¹ Ary hoy Abrahama hoe, "Nandray azy toy ny anankiray avy tamin'ny maty aho. Ary resy lahatra tanteraka aho fa Izy dia mahay manangana azy avy amin'ny maty."

¹² Izany ny olona ankehitriny ilay Taranak'i Abrahama, satria nanangana antsika avy tamin'ny maty Izy. Isika dia maty tao amin'ny ota sy ny fandikan-dalàna. Ary Izy Izay afaka manova ny fisainako, manova ny eritreritro, manova ny natiorko, manova ahy tanteraka, dia afaka manao arak'izay Tiany Izy. Na inona na inona Lazainy, dia mino aho fa ny Fahamarinana izany, ary mino an'ilay zavatra iray ihany ny Taranak'i Abrahama rehetra.

¹³ Abrahama, tsy tsi-nankatò an'Andriamanitra, dia naka an'ilay zazalahy kely. Ary tamin'io maraina io, dia niteny tamin'ireo mpanompo izy hoe, "Miandrasy ianareo eto miaraka amin'ireo ramole. Fa izaho sy ilay zanakalahy dia ho any mba hanompo, ary hiverina izaho sy izy." Oh, ahoana no hanaovany an'izany? Rehefa miakatra eny an-tampon'ilay tendrombohitra izy, mba hanaisotra ny ain'ny zanany manokana, dia mbola hoy izy hoe, "Ilay ankizy, hiverina izaho sy ilay zaza." Fantany fa tsy maintsy nisy zavatra hiseho. Ary tsy fantany fotsiny hoe ahoana no hanaovan'Andriamanitra an'ilay izy; fa tsy izany no olany. Fantany fa Andriamanitra no nampanantena an'izany.

¹⁴ Izay ihany no tokony ho fantatsika hoe, Andriamanitra no nampanantena an'izany! Hanao ahoana izany? Tsy afaka miteny aminareo aho. Fa Andriamanitra no niteny an'izany! Handefa an'i Jesosy Kristy Izy, fanindroany, ho tonga ao amin'ny endrika ara-batana Izy. Hitaky ny Azy Manokana Izy. Hisy ny arivo taona, fanjakana arivo taona eto ambonin'ity tany ity, miaraka Aminy, miaraka amin'ireo navotana. Izany no Nampanantenainy, ary miandry an'izany ora izany hanatona isika.

¹⁵ Nampanantena ny hanasitrana ny marary Izy, hanangana ny maty, handroaka devoly. Nampanantena hanao an'izany Izy. Izy no tsy miova omaly, anio ary mandrakizay. Ahoana? Tsy fantattro. Nampanantena hanao an'izany Izy! Mino an'izany isika; milamina hatreoz izany. Rehefa mino an'Andriamanitra ny olona iray, dia mino an'izay Lazainy rehetra izy.

¹⁶ Ary tahaka an'izany no ninoan'i Abrahama an'Andriamanitra. Ankehitriny dia nangatahana mba handrava ny porofo rehetra hoe tanteraka ny Fampanantenany, saingy resy lahatra izy fa afaka manao an'izany Andriamanitra.

¹⁷ Ankehitriny, tsy hoe nanome an'io fampantanenana lehibe io fotsiny Izy, fa izany dia Nomeny ho an'ny Taranany, ihany koa. Ary satria nahatoky i Abrahama, ka nihazona ny-ny Tenin'Andriamanitra izay nampanantenain'Andriamanitra azy, dia nahafantatra fa afaka manangana an'io ankizy io Andriamanitra. Ary tsy niantra ny zanany manokana izy; fa (Andriamanitra) dia tandindona iray an'Andriamanitra manome Ny Zanany, mazava ho azy; raha nitondra ny hazo teny an-tendrombohitra izy, sy ny sisa; tahaka an'i Kristy taty aoriana nitondra Ny fanapahana fanatiny Manokana, niakatra ny havoana, izay nanohomboana Azy.

¹⁸ Fantatsika fa ao amin'io, eo am-panaovana an'izany, dia tena nankasitrahān'Andriamanitra tsara ny nahita fa tia Azy mihoatra ny zavatra rehetra teto ambonin'ny tany i Abrahama, na dia ny zanamilahy tokana aza. Tia Azy mihoatra an'izay mety lazain'ny olona izy, mety ataon'ny olona, mbola tia an'Andriamanitra betsaka foana izy mba hino Ny Teniny.

¹⁹ Ny Taranak'i Abrahama rehetra dia mino an'Andriamanitra tahaka an'izany. Mino an'Andriamanitra izy ireo. Ary fantatsika fa tena ankasitrahān'Andriamanitra tsara izany ka hoy Izy eto hoe, "Ny Taranakao dia hahazo ny vavahadin'ny fahavalony. Ny Taranakao dia hahazo ny vavahadin'ny fahavalony." Tsarovy, izany no HOY NY TOMPO HOE. Mino an'izany ny Taranak'i Abrahama. Raha Taranak'i Abrahama tena izy ianareo, ilay finoana an'Andriamanitra izay nananan'i Abrahama, dia ao anatinareo izany. Ary mino ianareo, fa izay nolazain'Andriamanitra, dia mihazona ny Fampantanenany Andriamanitra.

²⁰ Ary Izy no nilaza an'izany, ankehitriny tsarovy, nanao an'io teny fikasana tamin'i Abrahama io fotsiny ihany Izy taorian'ny Nanomezany azy fitsapana iray. Ny Taranak'i Abrahama dia tsy maintsy tsapaina aloha, mba hahitana raha mino marina tokoa ny Teny izy ireo. Tsarovy, ny fomba tokana izay nahafahany nihazona ny teny fikasan'Andriamanitra, dia satria nino an'ilay teny fikasan'Andriamanitra izy, ary notsapaina na nino an'Izany izy na tsia.

²¹ Entina eo amin'izany fitsapana izany isika. Ny Taranak'i Abrahama, amin'izao andro izao, dia entina eo amin'izany fitsapana izany. Handray ny Tenin'Andriamanitra ve isika, sa handray an'izay lazain'ny olona mikasika an'Izany? Handray an'izay nataon'ny rafi-pandaminana anankiray ho fanekempinoana ve isika, ka hanaiky an'izany, sa handray an'izay nolazain'Andriamanitra? Raha marina ny Tenin'Andriamanitra, dia mino ny Tenin'Andriamanitra isika, tsy mampaninona na inona na inona zavatra hafa. Avelantsika ny tenin'ny olona rehetra ho lainga, fa ny an'Andriamanitra ho Fahamarinana. Ilay Taranak'i Abrahama marina! Saingy alohan'ny ahafahanareo lasa ho io Taranaka marina io, dia tsy maintsy mandalo

an'ilay fitsapana ianareo, tahaka ny nandalovan'i Abrahama, izy tenany. Tsy nampanantena an'i Abrahama fotsiny ihany Izzy, fa ny Taranany dia hahazo ny vavahadin'ny fahavalao. Oh, oadray!

²² Eritrereto fotsiny, resy lahatra tanteraka tao amin'izany ilay patriarka, fa tao amin'ny fitsapany an'ny teny fikasan'ny Tenin'Andriamanitra, dia marina. Tsy nampaninona na inona ireo zava-mitranga, mbola nino foana izy fa marina ny Teny. Ilay Abrahama, ilay patriarka lehibe, dia tsy niha-malemy tamin'ny finoana, rehefa nentina teo amin'io fotoan'ny fitsapana io izy. Nino izy fa Andriamanitra dia afaka manangana azy avy amin'ny maty. Nino an'izany izy, satria Andriamanitra no nanao an'ilay teny fikasana. Ary rehefa nanao teny fikasana iray Andriamanitra hoe izy no ho "rain'ny firenena," dia nino izy fa izany ilay izy. Tsy fantany hoe hanao ahoana izany. Rehefa tonga ilay zazakely, rehefa natoky izy, dimy amby roapolo taona, avy eo dia nangatahana mba hamono an'ilay zazakely, dia mbola fantany fa marina ny teny fikasan'Andriamanitra, ary nomeny ny zanany.

²³ Ny Taranany, ilay zavatra iray ihany! Ny teny fikasan'Andriamanitra dia tombokase, ho an'ireo izay Taranak'i Abrahama. Ny teny fikasana dia tombokase iray, vavolombelona iray vita sonia. Ary rehefa mino ny Teny nampanantaina rehetra isika, amin'izay fotoana izay dia omena antsika ny tombokase, mba hanamarina an'ilay teny fikasana. Hitanareo, raha isika—raha isika, satria Taranak'i Abrahama, dia mandalo amin'ilay fitsapana isika na hino ny Baiboly, na tsia. Ny Baiboly no Tenin'Andriamanitra, satria Andriamanitra Izany. Ary avy eo rehefa avy nandalo an'ilay fitsapana ianareo, mba hino.

²⁴ Rehefa milaza ny sasany amin'izy ireo hoe, "Efa lasa ny andron'ny fahagagana." Raha manaiky an'izany ianareo, dia mifanohitra amin'ny Teny izany.

²⁵ Raha hoy ianareo hoe, "Tsy mandray ny Fanahy Masina ianareo, amin'izao andro izao. Tsy misy ny zavatra tahaka an'izany. Ireo apostoly roa ambin'ny folo fotsiny no nandray an'Izany."

²⁶ Nilaza ny Teny, fa nitory an'Izany i Petera tamin'ny Andron'ny Pentekosta, hoy izy hoe, "Mibebaha, ny tsirairay avy aminareo, ary aoka hatao batisa amin'ny Anaran'i Jesosy Kristy ho an'ny famelàna ny fahotana, ary ianareo handray ny fanomezan'ny Fanahy Masina. Fa ny teny fikasana dia ho anareo, sy ho an'ny zanakareo, ary ho an'ireo izay lavitra, na iza na iza hantsoin'ny Tompo Andriamanintsika."

²⁷ Izany marina tokoa no dikan'Izany. Izany dia, ankehitriny raha vonona ny handray an'ilay fitsapana ianareo, fitsapana asidra an'Andriamanitra, ka hanaraka an'ilay taratasimpanafody, hoteneniko aminareo, ho hitanareo fa mihazona Ny Teniny Andriamanitra, raha mino an'Izany ianareo. Marina

izany. Fa tsy maintsy mandalo amin'izany ianareo, satria tombokase izany; rehefa afaka mandray an'Izany ianareo, amin'izay fotoana izay ianareo dia handray an'ilay teny fikasana. Satria, Izany no taratasim-panafodin'Andriamanitra, ny fomba tokony hanaovantsika azy, ary izany no fomba tokony hanarahantsika Azy, izay Nolazainy fotsiny. Ankehitriny tsy hoe ho an'ny sasany fotsiny, fa "na iza na iza," na iza na iza mino, na iza na iza mibebaka, na iza na iza mino. Ho an'ny taranaka rehetra izany, ho an'ny olona rehetra, na iza na iza te-hino an'Izany. Ary ny finoana ny Tenin'Andriamanitra no mitondra anareo mankany amin'io teny fikasana io. Amin'izay fotoana izay, ary amin'izay fotoana izay irery ihany, vao afaka manana fahefana banana an'ilay tombokasen'ny teny fikasana ianareo.

²⁸ Ary ilay teny fikasana izay raisintsika, ilay tombokase, dia ny batisan'ny Fanahy Masina. Marina izany. Satria izany dia Andriamanitra ao amin'ny endriky ny Fanahy, ianareo amin'ny maha-Ny Teniny ao anatinareo, amin'izay fotoana izay dia miditra Izy. Raha mandray ny Teny ao anatinareo ianareo, dia ny Fanahy Masina no zavatra tokana izay manao an'Izany ho velona, ary noho izany dia manana an'ilay teny fikasana amin'ny fahazoana ny vavahadin'ny fahavaloo rehetra izay miezaka manafika anareo ianareo. Marina izany. Andriamanitra no nampanantena an'izany, ary toy izany ilay izy.

²⁹ Ankehitriny, tsarovy, amin'izay fotoana izay irery ihany ianareo vao afaka manao an'izany, ary amin'izay fotoana izay irery ihany, rehefa avy notsapaina tamin'ny alàlan'ny Teny.

³⁰ Notsapaina tamin'ny alàlan'ny Teny i Abrahama. "Hino ve ianao, ry Abrahama, fa ho azonao ilay zanaka?"

"Eny."

³¹ Tonga ilay zanaka. "Ankehitriny vonoy izy. Mbola mino an'izany foana ve ianao, ry Abrahama?"

³² "Izaho dia mino an'izany, foana, satria Ianao dia afaka manangana azy avy amin'ny maty."

³³ Ary taorian'izany, dia hoy Izy hoe, "Ankehitriny, ny Taranakao dia hahazo ny vavahadin'ny fahavalony." Amena! Taorian'ny nahatongavan'ilay fitsapana!

³⁴ Ndao isika handinika ny sasany amin'ny taranak'i Abrahama, ao amin'ny taranaka ara-nofo. Izany hoe, isika amin'izao andro izao no Taranaka ara-panahy. Saingy ndao jerentsika, amin'ny taranaka ara-nofo, ny amin'ny sasany amin'ireo izay nino ny teny fikasan'Andriamanitra feno, ary tsy mihitsy na... [Elanelana tsy voaraki-peo—Mpand.]

³⁵ Hoy aho hoe, "Eo amin'izany ihany, ho an'ny inona no itiavan'ny zazavavy Kristiana iray hampiseho ny atin'akanjony? Tsy mety azoko izany."

³⁶ Nateraka indray ianareo, an'Andriamanitra, manana ny hatsaran-tarehin'ny Fanahy Masina ianareo mba haneho ny maha-izy anareo, izany ianareo. Manana hery izay tsy ananan'ireo zipo ratsy ireo ianareo. Marina izany. Ny tena vehivavin'Andriamanitra, izay mijoro any ivelany miaraka amin'ny hery, mety esoina ianareo, ary antsoina hoe lamaody antitra; saingy manana zavatra anankiray izay tsy azon'izy ireo kasihana ianareo, ary efa veriny ka tsy afaka mahazo an'izany intsony mihitsy indray. Marina izany. Manana hery ianareo. Izany no tadiavin'Andriamanitra, dia ny hery. Hitanareo?

³⁷ Fa ny zavatra voalohany, raha misy fanontaniana iray ao an-tsainareo, dia aza manao an'ilay izy mihitsy. Aza miditra ao amin'ny laharam-bavaka raha misy fanontaniana iray ao an-tsainareo. Aza tonga raha tsy tena mino an'izany tokoa ianareo, hentitra, tsy misy fisalasalana iray ao an-tsainareo, mihitsy, fa ho sitrana ianareo, amin'izay fotoana izay dia hiala eto amin'ity lampihazo ity ianareo ho olona salama iray. Marina izany, rehefa tsy misy fanontaniana iray ao an-tsainareo, mihitsy. Tsy maintsy mino an'Andriamanitra ianareo, tsy mody-mino. Mino marina tokoa!

³⁸ Ary ny Taranak'i Abrahama dia mino an'izany satria ny Teny no nilaza an'izany, ary izany no antony inoantsika azy. Tsy satria hoe nitsikera ny olona anankiray, satria olon-kafa iray no nilaza an'izany. Satria Andriamanitra no niteny an'izany, izany no manao azy ho ny Fahamarinana. Rehefa Andriamanitra no milaza an'ilay izy, dia milamina hatreto ny fanontaniana rehetra. Izy no teny farany. Izy no fara-teny. Rehefa milaza zavatra anankiray Andriamanitra, dia milamina hatreto izany. Tsy misy zavatra hafa afaka hiteny manohitra an'Izany. "Ny tenin'olona rehetra ho lainga, fa ny Ahy ho Fahamarinana."

³⁹ Ankehitriny raha mandinika ny sasany amin'ireo taranaka ireo isika, dia ndao isika hieritreritra. Hieritreritra an'ireo zanaka Hebreo isika, manana aho eto, eo am-pieritreretana an'izany, eo amin'ireo zanaka Hebreo, rehefa avy notsapaina nanohitra ny fanompoana sarivongana izy ireo. Ankehitriny, tsarovy, hoy ilay mpanjaka hoe, "Na iza na iza tsy hiankohoka amin'ity sarivongana ity, dia hatsipy ao anaty lafaoro afo." Ankehitriny, ireto zanaka ireto dia nino fa marina ny Tenin'Andriamanitra, ka tsy tokony hanompo karazana sarin-javatra anankiray izy ireo, saingy rehefa tonga teo amin'ilay fampisehoan-kery izy ireo dia notsapaina raha hanompo izy ireo.

⁴⁰ Fa, ny sisa rehetra tamin'ireo zanaka tany dia nandray ary nandeha tao amin'ilay fanompoana, nandeha avy hatrany arak'izay nolazain'ilay mpanjaka izy ireo. Nanaraka ny fisainana malaza an'ilay andro izy ireo, hoe tsy maintsy manao an'izany izy ireo.

⁴¹ Ary rehefa notsapaina izy ireo, raha hanompo an'ireo sarivongana ka hamotika ny Tenin'Andriamanitra, dia nijanona nahatoky tamin'ny Teny izy ireo. Tsy nampaninona ireo zava-mitranga, fa nijanona nahatoky tamin'ny Teny izy ireo. Ary rehefa natsipin'izy ireo tao anaty lafaoro afo izy ireo, dia tanteraka ny teny fikasan'Andriamanitra. Nahazo ny vavahadin'ny fahavalony izy ireo. Ary nisy Lehilahy iray fahefatra nitsangana tao, niaraka tamin'ny fanalahidy iray izay namoaka ny hafanana avy tao amin'ny afo, ka tsy afaka nanao afa-tsy ny namela azy ireo ho afaka izany. Amena.

⁴² Rehefa ny lehilahy iray na vehivavy iray no vonona ny handray an'ilay fitsapana, ilay fitsapana asidra!

⁴³ Hitanareo, tsy maintsy niditra tao anatin'ny afo izy ireo. Ary avy eo rehefa niditra izy ireo, dia tao anatin'ilay afo, ary ny zavatra tokana izay niseho, io fitsapana afo io dia namaha fotsiny ihany, nanala ny—ny fatotra tamin'ny tānan'izy ireo.

⁴⁴ Matetika, Andriamanitra dia mamela antsika, rehefa voafatotra tanteraka amin'izao tontolo izao isika, voafatotra, dia Avelany tonga eo amintsika ireo fitsapana afo, eo amin'izay tsy maintsy handraisantsika fanapahan-kevitra. Ary rehefa manao an'izany isika, ny zavatra tokana azon'ilay fitsapana atao, rehefa ilay tena Taranak'i Abrahama no mitsangana eo amin'ny—ny sampanan-dàlan'ny fanapahan-kevitra, ka mandray ny fanapahan-keviny hanompo an'Andriamanitra izy, dia afaka mamaha an'ireo fatorana fotsiny ihany izany ka manao antsika ho afaka. Mety manome anareo aretina iray i Satana. Mety manome anareo zavatra anankiray izy, iray hafa. Ahoana no hahafantaranareo fa tsy Andriamanitra no nametraka anareo teo amin'ilay sampanan-dàlana, mba hahita hoe karazana fa—fa—fanapahan-kevitra inona no horaisinareo?

⁴⁵ Nahazo ny vavahadin'ny afo izy ireo. Tsy afaka nandoro azy ireo ilay afo. Tsy nisy fofon'afو akory aza teo amin'izy ireo, satria fantany fa Taranak'i Abrahama izy ireo, ary nijoro ho an'Andriamanitra sy Ny Teniny. Izy ireo dia nahazo ny—ny vavahadin'ny fahavaloo, ary tsy afaka nandoro azy ireo ilay afo, satria azon'izy ireo ny vavahady.

⁴⁶ Taty aoriana, dia nisy lehilahy iray, mpaminany iray tany, tamin'ny anarana hoe Daniela. Izy dia...nanana an'ilay fitsapana na hanompo Andriamanitra anankiray marina izy, na tsia. Ary rehefa tonga tamin'io fotoana io izany, na hanompo Andriamanitra anankiray marina izy, na hanompo Andriamanitra mpanompo sampy iray, dia nandà ny hanao an'izany izy; ka nosintoniny ireo lambam-baravarana, ary nivavaka tamin'Andriamaniny, isan'andro. Ary tratra tamin'izany izy, tamin'ny sazin'ny lalàna federaly, ka natsipy tany an-davaky ny liona. Andiana liona noana no nierona taoriany. Inona no nataony? Nahazo ny vavahadin'ny fahavalony

izy. Tsy afaka nihinana azy ireo liona. Nampidina Andry Afo iray Andriamanitra, Anjely iray izay nitsangana teo anelanelany sy ny liona.

⁴⁷ Nahazo ny vavahadin'ny fahavaloxa izy, satria notsapaina izy mba hahitana na hanompo Andriamanitra anankiray marina, na hanana andriamanitra mpanompo sampy roa ambin'ny folo izay notompoiny. Noho izany dia nahatanty an'ilay fitsapana izy, ka nahazo ny vavahadin'ny fahavaloxa. Tsy afaka nikasika azy akory aza ny liona, satria nomba azy Andriamanitra. Mijanona ho marina ny teny fikasan'Andriamanitra, satria Taranak'i Abrahamia iray nahatoky izy.

⁴⁸ Mosesy, oh, anankiray malaza hafa. Izy dia notsapaina, ihany koa, mba hahitana an'ilay teny fikasana izay nomen'Andriamanitra azy. "Homba anao Aho rehefa midina any ianao." Ary rehefa nitsangana teo anatrehan'ireo mpaka tahaka ny fanomezam-pahasoavany izy, Jana sy Jambra dia niezaka nitsangana ka naka tahaka an'ilay tena zavatra izay nandidiana an'i Mosesy mba hatao. Ary niantso azy Andriamanitra, ka fantany fa izy no ilay anankiray izay nodidiana hanao an'io, ary nitsangana teo izy ka nanao an'ilay fahagagana araka ny notenenin'Andriamanitra hataony. Ary nitsangana teo ireo mpaka tahaka, mba hanao an'ilay zavatra iray ihany, saingy tsy nanelingelina an'i Mosesy izany. Nijanona nahatoky tamin'ny Tenin'Andriamanitra izy, ary nahazo an'ireo vavahady, amena, an'ny fahavaloxa, satria nijanona nahatoky tamin'ny teny fikasan'Andriamanitra izy, tsy nampaninona na iza no niezaka naka tahaka an'izany.

⁴⁹ Lesona iray toy ny inona izany ho an'ny Kristiana tsirairay! Rehefa mijery manodidina ianareo ka mahita mpihatsaravelatsihy iray, dia tsarovy fotsiny fa miezaka izy ny haka tahaka an'ilay zavatra tena izy. Saingy, izany dia midika fotsiny ihany fa misy anankiray izay tena izy. Mijanona mahatoky amin'ny Tenin'Andriamanitra! Tsy mampaninona izay tonga sy lasa, hazony ny Fampantanenany. Eny, nijanona nahatoky tamin'ny Tenin'Andriamanitra i Daniela.

⁵⁰ Tsy nampaninona na firy no niezaka naka tahaka azy, sy ny zavatra hafa, nijanona nahatoky izy. Ary tonga ho an'ny tanjona iray izy, dia ny hamoaka an'ny Isiraely avy tao Egypta, ary hitondra azy ireo ho ao amin'ilay tany nampanantenaina. Ary rehefa tonga ny fotoana hidiran'izy ireo ao amin'ilay tany nampanantenaina, nivoaka tao Egypta, dia nibahana teo amin'ny lalana ny Ranomasina Maty. Ary nahazo ny vavahadin'ny rano izy, ka nisokatra ireo vavahady. Ary ny-nihemotra ny rano, ary nentin'i Mosesy tany an-efitra ny Isiraely, tany amin'ny tendrombohitra izay nandidian'Andriamanitra azy mba hitondrana azy ireo. Amena. Nahazo ny vavahadin'ny fahavaloxa izy.

⁵¹ Ny rainy, Abrahama, no efa nahazo an'io teny fikasana io, hoe ny Taranany mahatoky no hahazo ny vavahadin'ny fahavalao. Ary nihidy ireo vavahadin'ny rano, ka tsy afaka niampita izy, ary izany no lâlan'andraikitra. Natao hitondra an'ireo zanaka ho any amin'ilay tendrombohitra izy. Andriamanitra no niteny azy an'izany. Ary nibahana teo amin'ny lâlana ilay vavahady, fa nahazo ny vavahadin'ny fahavalao izy.

⁵² Josoa, taty aoriana kely, rehefa tonga tao Kadesy-barnea izy ireo, izay sezatsaran'izao tontolo izao tamin'izany fotoana izany, teo no nihaonan'ny Isiraely tamin'ny fitsarany. Hitantsika i Josoa niaraka tamin'i Kaleba, ary ireo roa ambin'ny folo hafa...na-na ireo folo hafa. Anankiray isaky ny foko no nirahina mba hitsikilo an'ilay tany izay efa vonona ny ho azon'izy ireo.

⁵³ Ary rehefa nahita an'ireo olombe ireo nitsangana tany izy ireo, dia nahatsapa tena saikatra ny folo tamin'izy ireo, hoy izy ireo hoe, "Tsy afaka maka azy isika. Lehibe loatra ilay izy. Nahoana, jereo ny fanoherana ananantsika." Fa rehefa niverina izy ireo mba hitondra ny tatitra, dia nitondra tatitra ratsy izy ireo.

⁵⁴ Nahoana izy ireo no nitondra tatitra ratsy, raha Andriamanitra no niteny tamin'izy ireo hoe, "Efa Nomeko anareo io tany io; anareo izy"? Niteny tamin'izy ireo Izy tany Egypta. "Efa Nomeko anareo io tany io. Tany tsara izany. Tondra-dronono sy tantely izany."

⁵⁵ Saingy rehefa nahita an'ireo fanoherana lehibe loatra izy ireo, dia niverina ny folo tamin'izy ireo ka nanao hoe, "Tsy afaka manao an'izany isika."

⁵⁶ I Josoa, nampangina ny olona izy, ary nanao hoe, "Mihoatra lavitra noho ny afaka hahazo azy isika. Mihoatra lavitra noho ny afaka isika!" Satria nahoana? Nijery an'ilay teny fikasana izy. Izy dia Taranak'i Abrahama marina. Tsy nampantanona na toy ny inona ilay fanoherana, "Afaka mahazo ny vavahady isika, satria Andriamanitra no nampanantena an'ilay tany." Ary azony ilay vavahady.

⁵⁷ Taty aoriana, rehefa nitondra ny zanak'Isiraely nidina ny renirano izy. Nitsangana tany, tamin'ny volana Aprily, ilay renirano lehibe, nanonjanonja. Ilay Jordana nidina avy teny an-tendrombohitra, ary niely nanerana an'ireo lemaka izy. Toy ny hoe ilay fotoana ratsy indrindra, tamin'ny taona, no nahafahany tonga teo. Saingy, kanefa, Taranak'i Abrahama izy. Fantany fa nanana teny fikasana iray izy, ary tao amin'ny laharan'andraikitra. Nanome azy fahitana iray Andriamanitra, hoe ahoana no anaovana azy, ary nahazo ny vavahadin'ny renirano izy. Rehefa nisokatra ireo vavahady, dia nihemotra nankany amin'ny tendrombohitra ny rano. Ary nahazo ny vavahadin'ny fahavalao i Josoa sy Isiraely, ka niampita nankany

amin'ny tany nampanantenaina, satria Andriamanitra no niteny tamin'izy ireo hanao an'ilay izy. Taranak'i Abrahama marina!

⁵⁸ Rahalahy sy anabavy, rehefa tany izy, dia voarindrina tanteraka i Jeriko, avo tokoa ka afaka nampihazakazaka kalesy anankitelo teo amin'ny tampony izy ireo. Ahoana no nahafahan'ireto Isiraelita ireto nanao an'izany niaraka tamin'ny sabatra nindramina, nalaina, sy ny sisa, ary tehina sy vato, ahoana no nidiran'izy ireo tao? Saingy mbola Taranak'i Abrahama foana izy. Nanome azy fahitana iray Andriamanitra, niteny taminy hoe ahoana no anaovana azy, nanao hoe, "Tsofy ny trompetra." Amena. Izay ilay izy. "Mihiakiaha, mandrosoa mankany amin'ilay rindrina, hirodana eo anatrehanareo ireo vavahady." Amena! Taranaka mpanjaka iray an'i Abrahama izy. Tena mpino an'Andriamanitra izy. "Hilatsaka eo anatrehanareo ireo vavahady. Mihiakiaha fotsiny, ary tsofy ny trompetra. Izay ihany no tokony ataonareo." Ary inona no nitranga? Nirodana ireo vavahady, ka naka an'ilay tanàna i Josoa.

⁵⁹ Taty aoriana kely, dia hitantsika fa nandeha sy nandroso ilay fahavaloo, taorian'izany, ka nampijanona ny masoandro tamin'ny lèlany mihitsy aza Izy. Araka ny nolazaiko indray maraina, teo amin'ny *Paradoksa*, Najanony ny masoandro mandrapahazoany ny vavahadin'ny fahavalony. Amena. Fantany fa raha mba hihangona indray ilay fahavaloo, dia hiparitaka izy ireo, ary efa hilentika ny masoandro, ka ireo Amorita, ary ny Amalekita, sy ny sisa, dia neparitaka. Raha mba hihangona indray izy ireo, ka tonga miaraka, amin'izay fotoana izay dia ho nanana fotoana sarotra iray izy mba hampiverina azy ireo indray. Ary zavatra anankiray fotsiny ihany no nihazona, izany dia ny fotoana. Ary Najanony ny fotoana. Amena! Amena! Nisy zavatra anankiray nanakana azy ireo tsy hahazo an'ilay teny fikasana, izany dia ny masoandro, ny natiora izy tenany no nitsivalana, ka Najanony ny natiora. Nahoana? Taranak'i Abrahama izy. Nino ny teny fikasan'Andriamanitra izy. Najanony izy, ka azony ilay vavahady. Eny, tompoko.

⁶⁰ Ireo lehilahy malaza, ny rehetra tamin'izy ireo dia lehilahy malaza. Saingy fantatrareo rehefa izy ireo, ny tsirairay tamin'izy ireo, rehefa tonga teo amin'ny vavahadin'ny fahafatesana, dia maty izy rehetra. Tsy maintsy maty ny tsirairay avy tamin'izy ireo. Satria lehilahy malaza izy ireo, "Nanakatona ny—ny vavan'ireo liona, sy afa-nandositra ny afo, ary ny lela-tsabatra," sy ny sisa, araka ny notenenina amintsika ao amin'ny Hebreo 11. Ary nahazo ny vavahadin'ny fahavaloo izy ireo, ny rehetra afa-tsy fahavaloo anankiray, ary izany dia ny fahafatesana. Nitelina ny tsirairay tamin'izy ireo ny fahafatesana.

⁶¹ Avy eo indray andro, tonga ny Taranaka Mpanjaka an'i Abrahama, Jesosy Kristy, ilay Zanak'Andriamanitra; Taranak'i Abrahama, tamin'ny finoana. Tsy avy tamin'i Isaka, ilay taranaka ara-nofo; nanao ny anjarany izy ireo. Fa indro tonga

ny Anankiray Izay tsy teraka ara-boajanahary. Indro tonga ny Anankiray izay tsy tonga tamin'ny alàlan'ny filàna ara-pananahana mihitsy. Indro tonga ny Anankiray avy tamin'ny fahaterahana ara-virijiny. Ilay Zanak'Andriamanitra, ilay Taranak'i Abrahama, Lehilahy malaza toy ny inona izany! Ireo sasany ara-nofo dia teraka tamin'ny fahaterahana ara-boajanahary daholo. Ity Lehilahy ity dia teraka tamin'ny fahaterahana ara-virijiny. Inona no Nataony rehefa tonga teto an-tany Izzy? Nandresy ny fahavalo tsirairay izay nananan'i Satana Izzy. Nandresy ny zavatra rehetra Izzy.

⁶² Inona no Nataony? Niainga Izzy ka nandresy ny aretina. Tsy nety nisy aretina nanodidina Azy; na taiza na taiza no nisy aretina, dia nandresy an'izany Izzy. Inona no Nataony rehefa avy nandresy an'izany Izzy? Nomeny antsika ireo fanalahidy, amena, nanao hoe, “Na inona na inona fehezinareo eto an-tany, dia Hofeheziko izany any An-danitra.” Oh! Amena! Izany ilay Taranaka Mpanjaka an'i Abrahama, ny Fampanantenany. Ao anatintsika ny Fanahy Masina ankehitriny, miaraka amin'ireo fanalahidy, mihazona azy amin'ny aretina. Nandresy ny aretina Izzy. Tsy afaka mijoro eo amin’Ny Fanatrehany ny aretina. Ary Izzy no nilaza fa Nomeny antsika ireo fanalahidy hanaovana an'ilay zavatra iray ihany, mandresy ny aretina. “Na inona na inona fehezinareo eto an-tany, dia Hofeheziko any An-danitra.”

⁶³ Izao koa, ny fakam-panahy, nalaim-panahy tamin'ny fomba rehetra tahaka antsika Izzy. Inona no Nataony? Nandresy an'izany Izzy. Ary inona no Nolazainy tamintsika? “Tohero ny devoly, dia handositra anareo izy.” Nandresy ny aretina ho antsika Izzy. Nandresy ny fakam-panahy ho antsika Izzy, namaky an'ireo vavahady; nanaisotra ny fanalahidy avy tamin'ilay mpaka fanahy, ary nanolotra an'izany ho an'ny mpino, an'ny Taranak'i Abrahama, ka nanao hoe, “Raha maka fanahy anareo izy, tohero izy, dia handositra anareo izy.” Oh, oadray! Tohero izy!

⁶⁴ Nandresy ny fahafatesana sy ny helo Izzy. Nitsangana Izzy tamin'ny andro fahatelo, nanao hoe, “Naharesy Aho. Ary satria velona Aho, dia velona koa ianareo.” Oh, teny fikasana iray toy ny inona! Izany dia ho an'ny Taranak'i Abrahama. Nandresy ny fasana Izzy, nitsangana tamin'ny andro fahatelo, ho an'ny fanamarinana antsika. Rehefa nitsangana Izzy, dia Izzy no fanamarinana antsika. Inona no ataon'izany ho antsika? Nandresy ny aretina Izzy. Nandresy ny fahafatesana Izzy. Nandresy ny helo Izzy. Nandresy ny fasana Izzy. Nandresy ny fakam-panahy Izzy. Oh!

⁶⁵ “Ankehitriny isika dia mihoatra noho ny mpandresy amin'ny alàlan’Ilay nitia antsika, ka nanomezany ny Ainy,” satria Taranaka Mpanjaka an'i Abrahama. Miaraka amin'ilay Fanahin'Andriamanitra iray ihany ao anatintsika, izay tao Aminy, dia mihoatra noho ny mpandresy isika. Noresena

ho antsika ny vavahady tsirairay. Ny zavatra tokana tokony ataontsika dia ny mahazo an'izany. Efa resy izany. Resy ny aretina. Resy ny fahafatesana. Resy ny helo. Resy ny fasana. Resy ny zavatra rehetra, ary mihazona an'ireo fanalahidy isika, nohon'ny Fahasoavany. Matahotra ny hanatsofoka azy ireo amin'ilay fanidiana ve ianareo, ka hanao hoe, "Tonga amin'ny Anaran'i Jesosy Kristy aho"? "Angataho amin'ny Ray amin'Ny Anarako ny zavatra rehetra." Tiako Izy.

⁶⁶ Taorian'ny roa arivo taona lasa, roa arivo taona, dia mbola eto afovoantsika foana Izy, ilay Mpandresy mahery izay nandrovitra ny lamban'efitra nizara roa, izay naka ny aretina rehetra, ny faharariana rehetra, ny rehetra teo Aminy, ary nitondra ny fahalementsika teo amin'ny hazo fijaliana, sy ireo aretintsika sy faharariansika, ka naharesy azy ireo, ary nitsangana ho an'ny fanamarinana antsika, ary mitsangana velona taorian'ny roa arivo taona, mba haneho ny Tenany ho Jesosy Kristy velona, eo anivon'ilay Taranaka mpanjaka an'i Abrahama izay mpandova ny zavatra rehetra. Oh, oadray! Ireo izay avy, nandalo an'ilay fitsapanana, an'ny teny fikasan'ny Teny! Raha afaka mino ny Teny ianareo, amin'izay fotoana izay ianareo dia Taranak'i Abrahama ihany koa. Tahaka an'izany no hahatongavanareo eo amin'Izany.

⁶⁷ Raha tsy afaka mandray an'ilay fitsapan'ny Teny ianareo, noho izany raha misalasala an'Izany ianareo, miahiahy kely ny amin'Izany, sarotra aminareo ny hino an'Izany, raha misy zavatra iray na hafa, tsy ahafahanareo mino an'Izany, amin'izay fotoana izay dia aza miditra ao amin'ilay laharam-bavaka. Tsy handany ny fotoako eo amin'ny alitara akory aza aho, mandrapahazoanareo fahasoavana ampy hahafantarana fa marina ny Tenin'Andriamanitra.

⁶⁸ Ary rehefa mamaky an'io voalin'ny tsi-finoana io indray mandeha ianareo, amin'izay fotoana izay dia anananareo eo an-tànanareo ireo fanalahidy, an'ny fahafatesana, helo, ary ny fasana, satria manana Mpandresy anankiray Izay nandresy ho anareo ianareo. Noho izany dia manana ny Hebreo 13:8 ianareo, izay miteny amintsika hoe, "Jesosy Kristy no tsy miova omaly, anio, ary mandrakizay." Ahoana no ahafahantsika manao an'izany?

⁶⁹ Hoy ny olona amin'izao andro izao hoe, "Oh, eny, hoteneniko aminao, Izy ao amin'ny—ny fomba anankiray, dia izany Izy."

"Izy no tsy miova," hoy ny Baiboly.

"Oh, eny, tsy manao tahaka an'izay Nataony Izy amin'izao andro izao."

⁷⁰ Mahita an'izany isika izao ankehitriny izao, rehefa mahita Ny Teniny voamarina isika. Inona no ataon'izany? Manipy Azy eo am-pofoan'izy ireo avy hatrany indray izany. Amena.

⁷¹ Mino an'Izany ny tena Taranak'i Abrahama. Mahafantatra an'Izany izy ireo. Ary mitsangana Izzy, izao hariva izao, tahaka ny Nihaonany tamin'i Abrahama tany tamin'ny andron'i Lota ka nanatanteraka an'izany fahagagana izany, tahaka ny Nataony tamin'ny fitenenana tamin'i Saraha an'izay nataony Taoriany. Nampanantena Jesosy, ilay Taranaka Mpanjaka an'i Abrahama, fa hahita an'izany zavatra iray ihany izany ny Fianganana mialohan'Ny Fihaviany mihitsy. Inona izany? Tsy maintsy mitranga izany. Andriamanitra no nampanantena an'izany. Nanamarina an'izany Jesosy Kristy ary nilaza fa ho tahaka an'izany ilay izy, ary indro isika amin'izao andro izao, taorian'ny roa arivo taona, mahita Azy eo afovoantsika, mbola ilay Mpandresy mahery foana! Nandresy ny fahafatesana Izzy, ny helo, ny fasana, ny finoanoam-poana rehetra; nandray ny Teny . . . ? . . . azy. Eny.

⁷² Hoy Izzy hoe, "Raha mitoetra ao Amiko ianareo, ary Ny Teniko ao aminareo, dia angataho izay tianareo fa homena anareo izany." Inona izany? Ny Teny, Kristy, Izay ao amponareo. "Raha mitoetra ao Amiko ianareo, Ny Teniko mitoetra ao aminareo, amin'izay fotoana izay dia nandresy ny zavatra rehetra ianareo satria nandresy an'izany ho anareo Aho. Raha mitoetra ao Amiko ianareo, raha afaka mahazo Ahy ianareo, raha afaka mitoetra ao Amiko ianareo. Izay mino Ahy, ka mandray Ahy; tsy hoe mody-mino, fa afaka mandray. Izay mandre Ny Teniko, mahazo Ny Teniko, ary mino Izay naniraka Ahy, no manana ny Fiainana mandrakizay; ary tsy ho tonga ao amin'ny fakam-panahy, na fanamelohana, fa efa tafafindra avy tamin'ny fahafatesana ho amin'ny Fiainana." Io Izzy, ilay Mpandresy mahery!

⁷³ Indro Izzy androany, ilay tsy miova omaly, anio, ary mandrakizay. Indro Izzy manatanteraka eo anatrehan'ny Taranak'i Abrahama, izay nantsoina hivoaka avy tany Babylona, nantsoina hivoaka avy tao Sodoma, nantsoina hivoaka avy tamin'izao tontolo izao, ary nosarahina, maneho fa tena marina tokoa ny Fampanantenany. Taorian'ny roa arivo taona, dia indro Izzy mitsangana eto afovoantsika, izao hariva izao, io Mpandresy mahery io, ilay Tenin'Andriamanitra Izay afaka mamantatra ny eritreritra izay ao anatin'ny fo, sy ny fisainany. Inona izany? "Ny Taranakao dia hahazo ny vavahadin'ny fahavalony." Inona izany? Izany ilay Taranak'i Abrahama, ilay Taranaka mpanjaka, mino ny Teny. Ary ny Teny dia—ny Teny dia Andriamanitra.

⁷⁴ Ankehitriny rehefa mahita an'ity isika, dia afaka mihiakiaka miaraka amin'izy ireo, tahaka an'ilay poeta antitra.

Velona, nitia ahy Izzy; maty, namonjy ahy Izzy;
Nalevina, nitondra ny otako lavitra Izzy;

Nitsangana, nanamarina ahy maimaimpoana
mandrakizay Izzy;
Indray andro any dia ho avy Izzy, O andro be
voninahitra!

⁷⁵ Hoy ny olona anankiray hoe, “Miha-antitra ianao, ry tovolahy.” Tsy misy azoko atao amin’izany.

⁷⁶ Efa niaina hatramin’ny naaha-zazalahy kely iray aho, ny zava-bitako tokana hany nananako dia ny hahita ny Fihavian’i Jesosy Kristy. Nomeko ho an’izany tanjona izany ny fiainako. Mbola eto amin’ny polipitra foana aho, toy ny lehilahy antitra iray, mino an’ilay Tantara iray ihany aho, ary ny zavatra lehibe indrindra izay azoko eritreretina dia ny hahita an’i Jesosy Kristy tonga avy an-danitra mba handray ny Azy manokana. Andriamanitra, avy eo ny... Tsy mahagaga isika raha afaka mihira hoe:

Ny dera rehetra ho an’ny herin’ny Anaran’i Jesosy!
Aoka ireo Anjely hiankohokha;
Ento ilay diademan’ny mpanjaka,
Ary satrohy ho Tompon’ny rehetra Izzy.

⁷⁷ Nahoana? Izzy no ilay Mpandresy mahery. Raha ao Aminy ianareo, dia ao amin’ny Teny. Hoy Izzy hoe, “Raha mitoetra ao Amiko ianareo, dia angataho izay tianareo.” “Izay tianareo,” satria efa resy ny vavahady rehetra. Noho izany dia afaka milaza isika hoe:

Satria ny teny fikasana rehetra ao amin’ny Boky
dia ahy,
Ny toko rehetra, ny andininy rehetra, ary ny
andalana;
Matoky Ny Teniny Masina aho,
Satria ny teny fikasana rehetra ao amin’ny Boky
dia ahy.

⁷⁸ Ry sakaiza, fantatrareo ve ny dikan’izany? Ny teny fikasana tsirairay izay nataon’Andriamanitra tamin’i Abrahama, ny teny fikasana tsirairay izay nampilazaina an’ireo mpaminany, ny teny fikasana tsirairay izay nampanantenain’i Jesosy Kristy ho an’izao andro izao, dia eto Izzy hanamarina an’izany sy haneho fa velona mandrakizay Izzy. “Ny Taranakao dia hahazo ny vavahadin’ny fahavaloo.”

⁷⁹ Rehefa tonga eo amin’ny oran’ny fahafatesana izany. Hoy ianareo hoe, “Ahoana ny amin’izany?” Mbola manana an’ilay Fananana izay nolazain’i Paoly foana ianareo. “O ry fasana, aiza ny fandresenao? O ry fahafatesana, aiza ny fanindronanao? Fa isaorana Andriamanitra, Izay manome antsika ny fandresena amin’ny alàlan’ilay Mpandresy mahery, Jesosy Kristy.” Oh!

Aoka ireo Anjely hiankohokha;
Ento ilay diademan’ny mpanjaka,
Ary satrohy ho Tompon’ny rehetra Izzy.

⁸⁰ Izao hariva izao, taorian'ny roa arivo taona, isika dia mijoro mba hahita Azy, foana, ilay Mpandresy mahery Izay nandrovitra ny voaly izay nampisaraka antsika tamin'ny teny fikasan'Andriamanitra rehetra, ary mihoatra noho ny mpandresy isika ao Aminy. Ndao isika hivavaka.

⁸¹ Ray any An-danitra, raha mitsangana eto izahay, izao hariva izao, ao amin'ny Fanatrehan'ny Fanahy Masina, ilay Jesosy Kristy Olona lehibe ao amin'ny endrika Fanahy, Izay nampanantenaina ho tonga eo amin'ny Taranak'i Abrahama, ilay Taranaka mpanjaka. Mivavaka izahay, O Andriamanitra, raha misy lehilahy na vehivavy iray, zazalahy na zazavavy, eto, izay tsy mahafantatra Anao; manana fisalasalana sy fahasorenana ao an-tsainy izy ireo, mikasika ny Tenin'Andriamanitra, na ny Fahamarinana Izany na tsia. O Andriamanitra Lehibe, Izay nanao ny teny fikasana, tongava izao hariva izao! Misy teny fikasana lehibe anankiray izay Nataonao, Tompo; afaka mihazona an'izany teny fikasana izany Ianao, hoy Ianao hoe, “Izay mino Ahy, ireo asa izay Ataoko no hataony koa; hanao lehibe kokoa noho izany izy, satria mankany amin'ny Ray Aho.” Andriamanitra Ray, mivavaka izahay mba Hanamarinanao Ny Teninao.

⁸² Misy zanak'i Abrahama maro eto izao hariva izao, izay marary. Oh, nohidin'ny devoly izy ireo; napetrany tao anatin'ny tao, ary nahodiny ireo fanalahidy, ka nanao hoe, “Ankehitriny tsy maintsy ho faty ianao; tratry ny aretim-po ianao. Ianao dia tratra an'ity, itsy, na ny *hafa*, ary tsy maintsy ho faty.”

⁸³ O Andriamanitra, enga anie haneno ilay trompetran'ny jobily, izao hariva izao, an'ny Filazantsara, mba ahafahan'ny andevo tsirairay handeha afaka! Nandresy an'ireo vavahady ireo Jesosy Kristy. Mihazona an'ireo fanalahidy eo an-tànanay izahay. Oh! “Amin'Ny Anarako dia handroaka devoly izy ireo. Raha mangataka zavatra amin'ny Ray amin'Ny Anarako ianareo, dia Hataoko izany. Izay mino Ahy, ireo asa izay Ataoko no hataony ihany koa. Ny Tenin'Andriamanitra dia maranitra sy mahery mihoatra noho ny sabatra roa lela, manapaka hatrany amin'ny fampisarahana sy ny tsoka, ary mamantatra an'ireo eritreritra izay ao anatin'ny fo mihitsy aza.”

⁸⁴ “Ary tahaka ny tamin'ny andron'i Noa, dia ho toy izany koa amin'ny fihavian'ny Zanak'olona, satria nihinana izy ireo, nisotro, nanambady, nampanambady; fandaharana lehibe an'ny fanorenana.” Ary mandinika an'izao tontolo izao izahay, “Hisy famantarana, fahitana mahatahotra eny amin'ny lanitra ambony (izany dia ireo zava-boribory manidina), horohorontany amin'ireo toerana samihafa, ny firohondrohon'ny ranomasina (samonta), ny fon'ny olona ketraka (tahotra), fahorianea eo amin'ny firenena, fotoan'ny fahaketrahana.”

⁸⁵ “Ary tahaka ny tamin’ny andron’i Lota, dia ho toy izany koa amin’ny fihavian’ny Zanak’olona.” O Andriamanitra, tongava izao hariva izao ary tanteraho Ny Teninao, tongava izao hariva izao ka hajao ny finoan’ireo zanak’i Abrahama. Mangataka an’izany amin’ny alàlan’ny Anaran’i Jesosy Kristy izahay. Amená.

⁸⁶ Ny Tompo hitahy anareo, betsaka. Tsy hanao antso eny amin’ny alitara mihitsy aho amin’izao fotoana izao. Avelako hiankina aminareo izany. Mieritreritra an’izany aho, matetika, ireo antso eny amin’ny alitara... Mino azy ireny aho. “Fa izay rehetra nandray, dia natao batisa.” Izy ilay izy, “Izay rehetra nandray Azy.” Hivavaka ho an’ny marary isika.

⁸⁷ Afaka miresaka eto mandrity ny alina manontolo aho. Mpanatrika maha-te-ho tia ianareo. Fa izay lazaiko dia amin’ny maha-olona iray fotsiny; saingy raha milaza Ny Teniny aho, amin’izay fotoana izay dia tsy ireo teniko izany, izany dia Ny Teniny. Raha milaza zavatra anankiray aho, ka tsy manohana an’izany Andriamanitra, amin’izay fotoana izay dia ny teniko izany. Raha milaza Ny Teniny aho, ka manohana an’Izany Izy, dia iza ilay lehilahy na vehivavy mpanota, zazalahy na zazavavy, izay hanalavitra ka hilaza fa tsy izany ilay Izy?

⁸⁸ Jesosy, dia nilaza rehefa nanao an’ireo zavatra ireo Izy, hoy izy ireo hoe, “Mpanao hatsarana io Lehilahy io. Devoly Izy!” Ny mpanao hatsarana iray, ny olona rehetra dia mahafantatra fa avy amin’ny devoly ny fanaovana hatsarana. Hoy izy hoe, “Mpanao hatsarana Izy.” Saingy mba efa nahita mpanao hatsarana iray nitory ny Filazantsara ve ianareo? Efa mba nahita mpanao hatsarana nandroaka devoly ve ianareo? Tsia, tokoa, tsy manao an’izany izy ireo.

⁸⁹ Hoy Izy hoe, “Ankehitriny, Izaho ilay Zanak’olona dia hamela anareo ny amin’izany. Fa rehefa tonga ny Fanahy Masina, ny miteny manohitra an’Izany dia tsy havela mihitsy amin’izao fiainana izao na ny fiainana ho avy, satria miantsio ny asan’Andriamanitra ho fanahy maloto izany.”

⁹⁰ Hamindra fo amintsika anie Andriamanitra, izao hariva izao, ary mivavaka aho mba hidina Andriamanitra ary hanamarina an’ity Teny ity eo anatrehanareo.

⁹¹ Rahalahy, ranabavy, ity dia ny fanahiko. Tsy maintsy mihaona amin’Andriamanitra aho. Tompon’andraikitra ny amin’izay lazaiko aminareo aho. Hihazona ahy ho tompon’andraikitra ny amin’izany Andriamanitra. Marina izany. Inona no soa hataon’izany ho ahy mitsangana eto ary milaza an’ireo zavatra ireo raha fantattro fa voaheloka ho any amin’ny helo ny fanahiko?

⁹² “Misy lèlana izay toa mahitsy amin’ny olona, saingy lèlan’ny fahafatesana no fiafaran’izany.” Tsy mila mpandika teny

Andriamanitra. Araka ny efa nolazaiko hoe, Izy no Mpandika Teniny Manokana.

⁹³ “Ny Taranak’i Abrahama dia hahazo ny vavahadin’ny fahavaloo.” Mino an’izany ve ianareo? [Hoy ny fiangonana hoe, “Amena.”—Mpand.]

⁹⁴ Raha afaka nanasitrana anareo aho, dia ho nataoko izany. Kristy no efa nanasitrana anareo. Ny zavatra tokana, dia manana an’ilay fanalahidy eny an-tànanareo ianareo. Io fanalahidy io dia ny finoanareo, mba hihazona an’ilay izy. Vohay izany, izao hariva izao, sa tsy izany? Raha tonga eto afovoantsika Izy, ilay Mpandresy Mahery izay nandresy ny aretina rehetra, ary tonga eto ka maneho aminareo fa Vitany ilay izy, satria mbola ny Teny foana Izy. “Ary ny Teny dia mpamantatra ny eritreritra izay ao anatin’ny fo.”

⁹⁵ Karatra fangataham-bavaka inona? B, iray hatramin’ny... Taiza no nanombohantsika azy, indray hariva? [Hoy ny olona iray hoe, “Iray.”—Mpand.] Ndao isika hanomboka amin’ny dimampolo. Iza no manana ny karatra fangataham-bavaka B, dimampolo? Atsangano ny tànanaao. Karatra fangataham-bavaka B. Nanomboka tamin’ny iray isika, indray hariva, ankehitriny isika dia hanomboka amin’ny dimampolo, izao hariva izao.

⁹⁶ Iza no manana ny B, B, dimampolo? Atsangano ny tànanaao. Karatra fangataham-bavaka B, dimampolo. Ny tianareo tenenina ve dia hoe tsy eto izy? Ianao ve no manana azy? Eny àry, B, dimampolo. B, iraika amby dimampolo, iza no manana an’izany? B, iraika amby dimampolo, eny àry. B, roa amby dimampolo, iza no manana ny B, roa amby dimampolo? Eny àry, ianao no manana azy. B, telo amby dimampolo, efatra amby dimampolo, tongava eto avy hatrany. Efatra amby dimampolo, dimy amby dimampolo.

⁹⁷ Tonga eto ny zanako, mialoha indrindra ny hidirako, ary manafangaro andiana karatra. Ary hitanareo hoe ahoana izy ireo, anankiray eto ary anankiray *etsy*? Tsy mahafantatra izy ireo. Mety midina amin’ity laharana eto ity ianareo ary mahazo ny iray, ny anankiray manaraka mahazo ny folo, ny anankiray hafa mahazo ny dimy amby roapolo. Tsy fantatsika hoe aiza ilay izy, fa, na aiza na aiza izy ireo.

⁹⁸ Ankehitriny dia firy no nantsointsika? Dimy, efatra? B, dimampolo. Ny B, dimampolo, sa tsy izany? [Hoy ny olona iray hoe, “Eny.”—Mpand.] B, dimampolo hatramin’ny dimy amby dimampolo. Enina amby dimampolo, fito amby dimampolo, valo amby dimampolo, sivy amby dimampolo, enimpolo. Ankehitriny ndao jerentsika, iray, roa... Isao izy ireo, ry Billy, ary isika dia... Enimpolo, fitopolo, avelao izy ireo hitsangana aloha, raha sitrakareo. B, dimampolo hatramin’ny fitopolo, dimy amby

fitopolo. Isao izy ireo, Rahalahy Roy, raha sitrakao, raha mbola miresaka amin'ny mpanatrika aho.

⁹⁹ Firy no eo ankehitriny raha mijery amin'ity ilany ity ianareo, ary tsy manana karatra fangataham-bavaka ianareo?

¹⁰⁰ Tsarovy, hoy Jesosy hoe, “Ireo asa izay Ataoko no hataonareo ihany koa.” Marina ve izany? [Hoy ny fiangonana hoe, “Amena.”—Mpand.] Marina izany. Mino an’izany ve ianareo? [“Amena.”] Toy izany koa ny Taranak’i Abraham.

¹⁰¹ Hoy ny Baiboly, hoe, “Izy no Mpisoronabe.” Hebreo, ny toko faha-4, “Izy no Mpisoronabe izay azo kasihan’ny fahalementsika.” Mino an’izany ve ianareo? [Hoy ny fiangonana hoe, “Amena.”—Mpand.] Raha Izy no tsy miova omaly, anio, ary mandrakizay, ahoana no Hanaovany an’izany?

¹⁰² Nisy vehivavy kely, ao amin’ny Baiboly, raha mahamarika an’izay lazaiko ianareo. Vehivavy kely anankiray, ao amin’ny Baiboly, angamba tsy nanana karatra fangataham-bavaka izy; saingy hoy izy tao am-pony hoe, “Raha afaka mikasika an’io Lehilahy io aho, mino Azy aho.” Nandany an’izay nananany rehetra izy, ho an’ny doko-…tamin’ireo dokotera. Tsy afaka nanampy azy izy ireo. Lehibe loatra ny aretiny. Tsy afaka nanampy azy izy ireo. Saingy nino izy fa hanampy azy Andriamanitra. Ary nikasika ny Sisiny izy, an’ny Akanjony.

¹⁰³ Dia hoy Izy hoe, “Hitako fa nisy hery niala Tamiko.” Marina ve izany?

¹⁰⁴ Mino ve ianareo fa Izy no tsy miova, izao hariva izao? [Hoy ny fiangonana hoe, “Amena.”—Mpand.] Mino ve ianareo fa eto Izy? [“Amena.”] Firy no mino fa nitsangana tamin’ny maty Izy? [“Amena.”] Ankehitriny ahoana no ahafahanareo manaporofa fa nitsangana tamin’ny maty Izy?

¹⁰⁵ Vao tsy ela akory izay, dia nanatona ahy ny lehilahy Batista malaza iray, ary hoy izy hoe, “Rahalahy Branham, izaho dia resy—resy, indray mandeha, tamin’ny alàlan’ny Mohometana iray izay nilaza an’izany. Hoy izy hoe, ‘Raha nitsangana Izy, dia nampantanena Izy fa hanao an’ilay zavatra iray ihany Izy. Avelao izahay hahita Azy manao an’izany.’” Hitanareo, mino izy ireo fa tsy nanao an’izany Izy.

¹⁰⁶ Sainy isika dia mino fa manao an’izany Izy. Mino isika fa nitsangana tamin’ny maty Izy. Tsy misy fivavahana hafa eto amin’izao tontolo izao izay afaka manaporofa fa velona ny mpanorina azy ireo, afia-tsy ny Kristianisma. Ary ny fomba tokana ahafahan’Andriamanitra manamarina an’Izany, dia amin’ny alàlan’ireo izay mino an’izany; satria izany no fomba tokana izay ahafahan’Andriamanitra manatanteraka Ny Teniny, dia ireo izay mino an’Izany.

¹⁰⁷ Ankehitriny raha mbola mandahatra an’ity laharam-bavaka ity izy ireo eto. Tsy fantatro hoe firy no halaintsika. Tiako ny

tsirairay avy aminareo, hihazona ny toeranareo, mijanòna eo amin'ny sezanareo, aza mihetsiketsika. Mijere amin'ity ilany ity ary mivavaha, manaova hoe, "Tompo Jesosy, mino aho."

¹⁰⁸ Tsarovy, hoy Izy tamiko hoe, "Raha mitondra ny olona hino anao ianao; ary avy eo tso-po rehefa mivavaka." Izany dia nanerana an'ity firenena ity, nandroso sy niverina, nandrity ny dimampolo taona, tsy mbola diso izany na dia indray mandeha aza. Tsy mety diso Izany.

¹⁰⁹ Andriamanitra, zavatra tokana no tsy azon'Andriamanitra hatao, izany dia ny ho diso. Tsy maintsy mihazona Ny Teniny Izy. Mino an'izany aho. Mino an'izany aho tahaka ahy... mihoatra noho ny inoako fa mitsangana eto aho, mihoatra noho ny inoako fa ato amin'ity tranobe ity aho; mety ho rendrirendry iray izany, mety ho nofy iray izany. Ao anatin'ny fanahiko, dia fantattro fa velona Jesosy Kristy ilay Zanak'Andriamanitra. Ary ianareo satria Taranak'i Abrahama, satria maty ao amin'i Kristy, dia Taranak'i Abrahama ianareo.

¹¹⁰ Ankehitriny dia manana mosara sasantsasany izy ireo eto. Fahombiazana lehibe no vita tamin'ny alàlan'izao, ireo olona izay mino. Ankehitriny ndao isika hanondrika ny lohantsika, raha mbola mivonona izy ireo, ka hivavaka ho an'ireto.

¹¹¹ Ray any An-danitra, nampianarina izahay ao amin'ny Baiboly, ary misy ireo olona izay mino ny Teny rehetra izay Nolazainao fa ny Fahamarinana. Tompo, indraindray izy ireo dia miahahanhana ka mandalo amin'ilay lavaky ny fanalahidy, miaraka amin'ilay fanalahidy, diso an'izany, ary mihaotraotra, nefo mino izy ireo fa eo ilay izy. Avelao fotsiny izy ireo hanohy handalo, fa hahita an'izany izy ireo, satria eo izany. Ary izany fanalahidy izany dia ilay fanalahidy tsara, "Raha mety mino ianareo, dia azo atao ny zavatra rehetra." Raha ho hiraina ilay hira ankehitriny, na ho tendrena.

¹¹² Ao amin'ny Baiboly dia izao no voalaza hoe, "Nalain'i Paoly avy tamin'ny vatany ireo mosara sy aron'akanjo, ary nalefany nankany amin'ireo marary sy ory izy ireny, dia niala tamin'ny olona ireo fanahy maloto, ka sitrana izy ireo."

¹¹³ Ankehitriny, Tompo, fantatray fa miaraka Aminao i Masindahy Paoly. Saingy, tsy izy izany; Ianao izany, Tompo, Kristy tao aminy. "Tsy izaho no velona, fa Kristy no velona ato anatiko," hoy izy.

¹¹⁴ Ary ankehitriny ho an'ity taranaka ity, dia mbola Ianao no Kristy, androany, tahaka ny naha-izy anao omaly. Ary raha mivavaka eo amin'ireto mosara ireto aho, mikasika azy ireo, dia mivavaka aho mba Handresenao ny fahavaloo tsirairay. Omeo finoana izy ireo, mba hampahfantatra azy ireo fa resy ilay fahavaloo.

¹¹⁵ Ary indray mandeha, ilay Ranomasina Mena, arak'izay vao avy noresahanay, dia nanakana ny Isiraely tamin'ilay teny

fikasana, nefo tao amin'ny laharan'andraikitra izy ireo. Ary hoy ny mpanoratra iray, hoe, "Nijery ambany Andriamanitra niaraka tamin'ny maso tezitra, tamin'ny alàlan'ilay Andry Afo, ka natahotra ny ranomasina dia nanokatra an'ireo vavahadiny, ary niampita izy ireo."

¹¹⁶ Mijere ambany, izao hariva izao, amin'ny alàlan'ny Ràn'i Jesosy Kristy. Ary enga anie, rehefa apetraka eo amin'ilay marary ireto mosara ireto, dia enga anie hahita ny finoanay ny fahavaloo, izao hariva izao, raha mivavaka an'ity vavaky ny finoana ho azy ireo ity izahay. Ary enga anie ho afaka ny tsirairay avy, amin'ny Anaran'i Jesosy Kristy. Amena.

¹¹⁷ Ankehitriny dia mila ny fifantohanareo tsy voazarazara aho. Na iza na iza no eo amin'ny fanamafisam-peo eto, dia azonao akarina ilay izy. Satria, raha ny Fanahy Masina no hanao an'ity... Tsy milaza aho hoe hanao Izzy.

¹¹⁸ Ankehitriny raha misy olona tonga eto ka miteny aminareo fa manana fahefana izy ireo hanasitrana ny marary, dia aza mino an'izany. Ny hery rehetra dia ao amin'i Kristy. Izzy no ilay Mpandresy, fa tsy izaho sy ianareo. Manaiky an'izay efa Nataony fotsiny isika. Tsy misy olona manana fahefana hamonjy na hanasitrana.

¹¹⁹ Ny olona rehetra eto amin'izao tontolo izao, ny vidiny dia efa voaloa. Efa voaloa ilay fitakiana. Ahoana izany? "Izy dia voalefona nohon'ny helotsika, tamin'ireo Dian-kapony no nahasitranana antsika." Ny—ny fahasitrananareo dia efa voaloa. Ny famonjenareo dia efa voaloa. Manana an'ilay finoana ny ho avy ve ianareo, hanaiky an'izany? Izay ihany. Raha Taranak'i Abrahama ianareo, dia manana. Andriamanitra no nampanantena an'izany. Misy zavatra ao anatinareo izay milaza fa ao izany, ary izany ilay izy.

¹²⁰ Ankehitriny inona ny fanomezam-pahasoavana iray? Fanomezam-pahasoavana iray mba hivoahana ve ka hanasitrana olona? Tsia. Ny fanomezam-pahasoavana dia ny manala ny tenanareo amin'ilay lâlana, mba ahafahan'Andriamanitra mampiasa anareo.

¹²¹ Ankehitriny dia Izy no nampanantena an'izany, ilay famantarana farany, araka an'i Jesosy Kristy hoe, "Tahaka ny tamin'ny andron'i Sodoma, mialoha indrindra ny nandorana azy." Tsy hoe mialohan'ny hisehoan'ny zavatra hafa, voatorin'i Lota ny Filazantsara, sy ny sisa; tsy izany. Fa mialoha indrindra ny nandorana azy, dia nidina tao amin'ny endrika olona Andriamanitra, ary nipetraka niaraka tamin'ilay Fiangonana voafidy, Abrahama sy ny vondrony, izay nanana ny teny fikasana.

¹²² Ankehitriny tsarovy, ny Taranak'i Abrahama fotsiny no mandray an'izany. "Vetivety foana dia tsy hahita Ahy intsony izao tontolo izao," hoy Jesosy. "Ianareo no hahita Ahy,

satria homba anareo Aho, ho ao anatinareo, hatramin'ny fahataperan'izao tontolo izao."

¹²³ Fa nampanantena Izy, mialoha indrindra ny Hiverenany indray hoe, "Tahaka ny tany Sodoma," jereo izay azon'i Sodoma; jereo izay azon'ilay Fiangonana voafidy, hoy Izy hoe, "dia ho toy izany koa amin'ny fihavian'ny Zanak'olona." Andriamanitra miseho amin'ny endrika olona, izay nanatodika ny Lamosiny tany amin'ny tranolay, niteny an'izay nataon'i Saraha tao anatin'ny tranolay. Ny rehetra izay mahafantatra fa izany no Fahamarinana, dia atsangano ny tànanareo. Marina tokoa izany. Ankehitriny Izy no nampanantena an'izany. Eo amin'ny andro farany isika izao. Ankehitriny tsarovy, fa izany no zavatra farany izay nitranga; ary nodorana izao tontolo izao Jentilisa, Sodoma, ka niditra an-tsehatra ilay zanaka nampanantena. Miandry Zanaka nampanantena iray isika, ilay Zanak'Andriamanitra.

¹²⁴ Eto isika izao. Enga anie Andriamanitra hanokatra ny masonareo. Tsy mahafantatra zavatra hafa ho lazaina aho. Enga anie Izy hanokatra ny masonareo.

¹²⁵ Ankehitriny Ray any An-danitra, tsy misy azoko atao, andiana tanimanga izay Novolavolainao fotsiny aho, ary napetraka teto. O Andriamanitra, enga anie aho, izao hariva izao, hanana ny Fahasoavanao sy ny Fanatrehanao, mba Ahafahanao mampiasa an'ireto potika tanimanga izay Anananao eto ireto. Fa ireo, Tompo, izay Nantsoinao ho amin'ny Fiainana Mandrakizay, nefo angamba tsy mbola nanaiky an'Izany, dia enga anie izy ireo hahita an'ireo teny fikasana ireo. Mety nampianarina izy ireo fa ho an'ny andro hafa izany, saingy indro izany ao anatin'ny Baiboly. Amaro Izany, Tompo. Izany no Fandikanao Manokana. Tsy mila mihoatra an'izany ilay izy. Raha tahaka an'izany fotsiny no Hanaovanao azy, amin'izay fotoana izay dia ho hitan'izy ireo fa marina ny Teny. Ekeo izany, Ray. Mametraka ny tenanay Aminao izahay.

¹²⁶ Aoka ny olona tsirairay ato, Tompo, hampiasa ny finoan'izy ireo, izao hariva izao. Enga anie ny mambran'Ny Fokon'i Abrahama rehetra, amin'ny alàlan'i Jesosy Kristy, hanana finoana, izao hariva izao, ka hanaiky Ny Fanatrehanao. Ary homenay Anao ny dera. Amena.

¹²⁷ Ankehitriny, ity ve ilay la-... Ankehitriny hafahafa ity. Tiako ianareo hanampy ahy ankehitriny, mivavaha ho ahy. Mipetraha tena mangina, aza mihetsiketsika. Mipetraha tsara, mivavaha.

¹²⁸ Ankehitriny, hitanareo, izany dia niova avy tamin'ny fitoriana ny filazantsara, mba hampitony ny tenanareo amin'ny fomba anankiray izay ahafahan'ny Fanahin'Andriamanitra mampiditra anareo tanteraka ao amin'ny faritra iray hafa.

¹²⁹ Ankehitriny mitsangana eto ity tanora... Mandrosoa kely eto, ramatoa. Ary izao fotsiny... Mety tsara izany, mba tsy hanalavirako an'ity fanamafisam-peo ity. Hitanareo, tsy fantattro izay mitranga, hitanareo, ary avy eo indraindray, fantatrareo... Ankehitriny ny fomba tokana ahafantarako an'izany, izany dia—eo amin'ny fanamafisam-peo izany, hitanareo, ary miezaka izy ireo ny mandray azy any, fa izaho tsy mahafantatra fotsiny hoe inona.

¹³⁰ Ankehitriny samy vahiny izahay. Tsy mahafantatra anao aho, tsy mbola nahita anao mihitsy teo amin'ny fainako. Fa tanora lavitra noho izaho ianao. Ary angamba teraka tany amin'ny maily lavitra isika, ary taona maro mifanelanelana. Ity no fotoana ihaonantsika voalohany. Marina ve izany? Raha marina izany, dia atsangano ny tanaao mba ho hitan'ny mpanatrika. Ankehitriny, vehivavy iray mitsangana eto fotsiny izy.

¹³¹ Jereo, ento miverina amin'ny Soratra izany. Ndao alaintsika ny Masindahy Jaona 4. Ny tsirairay avy aminareo no hamaky an'izany rehefa mody ianareo. Tsy—tsy hoe izany karazana vehivavy izany ity vehivavy ity; tsy fantattro. Ary fantatrareo fa tsy Jesosy Kristy aho. Fa eto Izzy. Izzy Izany. Ankehitriny manosotra antsika Ny Fanahiny, afaka manambara ny aretiny, tahaka ny Nataony tamin'ilay vehivavy teo amin'ny fantsakana. Zavatra mitovy.

¹³² Ary, tamin'izany, ireo mpisorona sy mpitarika tamin'izany andro izany, dia nanao hoe, "Ity Lehilahy ity dia mpanao hatsarana, na devoly iray, Belzeboba."

¹³³ Hoy ity vehivavy ity hoe, "Tompoko, hitako fa mpaminany iray Ianao. Fantatray fa ho avy ny Mesia, ary izao no ho Famantarany."

¹³⁴ Ankehitriny, firy no mahafantatra fa marina izany? [Hoy ny fiangonana hoe, "Amena."—Mpand.] Eny, raha Izzy no tsy miova omaly, anio, ary mandrakizay, dia tsy ho izany ve ny Famantarany izao hariva izao? ["Amena."] Nampanantenava ve Izzy fa ho izany ilay izy, mialoha indrindra ny andro farany? ["Amena."] Ankehitriny jereo raha mihazona ny Fampanantenany amin'ny Taranak'i Abrahama Izzy.

¹³⁵ Ankehitriny raha misy olona ato mieritreritra fa diso izany, dia tongava eto ary manaova an'ilay zavatra iray ihany. Raha tsy izany, amin'izay fotoana izay dia aza miteny na inona na inona mikasika an'izany. Manana an'ilay tombontsoa ianareo.

¹³⁶ Ankehitriny, amin'ny Anaran'i Kristy, dia raisiko eo ambanin'ny fifehezako ny fanahy rehetra, ho an'ny voninahitry sy ny haja an'Andriamanitra.

¹³⁷ Tsy maintsy hiresaka aminao fotsiny aho, vetivety, ry ramatoa tanora. Fantatrazo, nireshaka tamin'io vehivavy teo

amin'ny fantsakana io ny Tompontsika. Hoy Izy hoe, "Itondray Aho hosotroina." Inona no Nataony?

¹³⁸ Ankehitriny diniho, hoy Izy, ao amin'ny Masindahy Jaona 5 hoe, "Marina tokoa, marina tokoa, Lazaike aminareo, ilay Zanaka," Izy izany, vatana, "dia tsy afaka manao na inona na inona amin'ny Tenako," fa izay Hitany ataon'ny Ray fotsiny ihany. "Izay ataon'ny Ray, dia Asehony amin'ny Zanaka. Hitany, tsy afaka manao na inona na inona amin'ny Tenako Aho, fa arak'izay Ahitako ny Ray manao azy." Noho izany, tsy nanao fahagagana anankiray mihitsy Jesosy raha tsy Andriamanitra aloha no naneho Taminy tamin'ny alàlan'ny fahitana iray; tsy niteny Taminy tao amin'ny Sofiny, fa naneho Taminy. "Izay Hitako," fa tsy reko, "hitako ataon'ny Ray." Izany no nanao Azy ho Mpaminany iray tahaka an'i Mosesy, araka ny nolazain'i Mosesy. Ankehitriny rehefa Izy—Fantany fa ny Ray . . . Izy dia teo . . .

¹³⁹ Nandeha nankany Jeriko Izy, saingy nila nandalo an'i Samaria Izy, ary tonga tao an-tanànan'i Sykara Izy. Ary jereo ankehitriny, niandry Mesia iray ireo Samaritana.

¹⁴⁰ Niandry an'izany ireo Jiosy, ary Nasehony tamin'izy ireo ny Famantarany. Filipo, Natanaela, Petera, vantany vao natao io famantarana io, dia hoy izy ireo hoe, "Ianao no Zanak'Andriamanitra."

Hoy ilay raby hoe, "Belzeboba io Lehilahy io."

¹⁴¹ Fa tsarovy ankehitriny, ireo Jentilisa, isika, isika ilay Anglo-Saxon, isika—tsy niandry Mesia mihitsy isika. Mpanompo sampy isika, Romana, sy ny sisa. Tsy niandry Mesia mihitsy isika. Tonga amin'ireo izay miandry Azy fotsiny ihany Izy.

¹⁴² Fa niandry Azy ireo Samaritana, noho izany dia tsy maintsy nandalo azy ireo Izy, nandalo an'i Samaria. Nipetraka teo amin'ny fantsakana Izy. Ramatoa tanora iray, saiky eo amin'ny taonanareo angamba, no nivoaka. Vehivavy ratsy laza iray izy. Efa namaky an'ilay tantara ianareo, heveriko. Dia hoy Izy hoe, "Ravehivavy, itondray Aho hosotroina."

¹⁴³ Hoy izy hoe, "Oh, tsy fanao ho Anao izany, Jiosy iray, mangataka zavatra tahaka an'izany amin'ny Samaritana."

¹⁴⁴ Hoy Izy hoe, "Fa raha fantatrao hoe Iza no niresaka taminao, dia ianao no hangataka Amiko hosotroina."

¹⁴⁵ Nitohy ilay fifampiresahana. Farany, dia Hitany hoe inona ny olany. Tsaroanareo ve hoe inona ilay izy? Nanana vady maro loatra izy. Ary hoy Izy, "Mandehana alaivo ny vadinao, mankanesa eto."

Hoy izy hoe, "Tsy manana mihitsy aho."

¹⁴⁶ Hoy Izy, "Tsara ny nolazainao," hoy Izy, "satria efa nanana dimy ianao, ary ilay anankiray izay iarahanao miaina ankehitriny dia tsy anao."

¹⁴⁷ Hoy izy hoe, “Tompoko, hitako fa mpaminany iray Ianao. Fantatray fa rehefa tonga ny Mesia, dia Izzy no hiteny aminay an’ireo zavatra ireo.”

Dia hoy Izzy hoe, “Izaho no Izzy.”

¹⁴⁸ Nilaozany ny sinin-dranony, nihazakazaka nankany antanàna, ka nanao hoe, “Avia, hijery Lehilahy iray Izay niteny tamiko an’izay nataoko. Tsy izao ve no Mesia?” Efa tsy nanana mpaminany izy ireo nandrity ny an-jato taonany. Nefa indro ny Lehilahy iray izay nilaza ho ny Mesia, ary nanaporofa ho—ho mpaminany iray, ka naneho ny famantaran’ny Mesia.

¹⁴⁹ Hanao anao hino an’ilay zavatra iray ihany ve izany, raha nanao an’ilay zavatra iray ihany Izzy, satria Izzy no tsy miova omaly, anio, ary mandrakizay, ary Izzy no nampanantena tamin’ny alâlan’ireto Soratra ireto fa Hataony izany?

Hanao ny mpanatrika hino ve izany? [Hoy ny fiangonana hoe, “Amena.”—Mpand.]

¹⁵⁰ Mijaly amin’ny aretin’ny voa ianao. Raha marina izany, dia atsangano ny tànanao.

¹⁵¹ Nahoana no miverina eo anatrehako foana izany? Hoy ny olona iray hoe, “Maminavina an’izany izy.” Tsy naminavina an’izany mihitsy aho.

¹⁵² Eto, vehivavy tsara iray izy. Mino ahy ve ianao? Fantatraq ankehitriny fa tsy naminavina an’izany mihitsy aho. Mamelà ahy hilaza zavatra iray hafa. Miaraka aminao ny vadinao. Izzy dia mijaly, ihany koa. Sa tsy izany? Aretin’ny hazon-damosina. Marina izany. Sa tsy izany? Manana zazalahy kely iray ianao miaraka aminao. Izzy dia mijaly, ihany koa. Tianao hivavahana izy. Misy zavatra tsy mety amin’ny masonry. Marina izany. Manana zazavavy kely iray ianao miaraka aminao, tratry ny aretin’ny voa izy, tahaka anao. Marina ve izany? Ankehitriny dia afaka ny ho salama ianareo rehetra, raha hino ianareo. Mino an’izany ve ianareo? Andriamanitra hitahy anareo. Zory ny lâlanareo ka aoka ho salama.

¹⁵³ Mino ve ianareo? [Hoy ny fiangonana hoe, “Amena.”—Mpand.] Izzy no tsy miova omaly, anio, ary mandrakizay. Inona izany? Inona no Ezahany atao? Ho anareo, Taranak’i Abrahama, dia maneho aminareo Izzy fa tsy maty Izzy. Izaho tsy afaka manao an’ireo zavatra ireo. Tsy maty Izzy. Fa velona Izzy, maneho aminareo fa manana zò hahazo ny vavahadin’ny fahavalonareo ianareo. Hilamina hatreo izany.

¹⁵⁴ Ity ramatoa ity, mankanesa eto, vetivety fotsiny. Izahay dia saiky, mitovy taona any ho any, heveriko. Fa izahay dia—samy vahiny izahay, araka ny fantatro. Tsy mahafantatra anao aho, ary vahiny isika. Tsy mahafantatra na inona na inona mikasika anao aho. Raha marina izany, dia atsangano ny tànanao, hitanao. [Hoy ilay anabavy hoe, “Marina izany.”—Mpand.] Ny sasany

tamin'izy ireo fotsiny no nanome anao karatra fangataham-bavaka iray, ary eto ianao izao. Eny àry. Ankehitriny raha ny Tompo Jesosy . . .

¹⁵⁵ Raha izaho, angamba, atao hoe nanandrana naka ny toeran-dRahalahy Oral Roberts aho, na ny iray amin'ireo lehilahy malazan'ny finoana, dia hilaza aho hoe, "Ramatoa, inona no tsy mety aminao?"

¹⁵⁶ Hilaza ianao hoe, "Eny, izaho tratran'*izao-sy-izao*." Ankehitriny, mety tsy ho marina izany. Hitanao? Tsy fantattro. Hitanao? Fa, izy, mety miteny aminy an'izay tsy mety ianao.

¹⁵⁷ Hametra-tànnana eo aminao izy, hanao hoe, "Andriamanitra no naniraka ahy mba—mba hivavaka ho an'ny marary. Mino an'izany ve ianao?" "Eny." "Voninahitra ho an'Andriamanitra! Mandehana, minoa an'izany."

¹⁵⁸ Mety tsara izany. Mety tsara izany. Andriamanitra no nampanantena an'izany. Saingy, hitanao, miaina lavidavitra kely amin'izany—noho izany andro izany isika. Jesosy no nampanantena hoe, "Tahaka ny tamin'ny andron'i Sodoma. Ireo asa izay Ataoko no hataonareo koa."

¹⁵⁹ Ankehitriny raha afaka miteny amiko an'izay efa naha-izy anao Andriamanitra, dia ianao no mahafantatra na marina izany na tsia. Afaka miteny aminao izay haha-izy anao Izy. Ary raha marina izany, ity dia ho marina, ihany koa. Raha miteny aminao Izy, na inona na inona, tsy fantattro; fa raha hiteny amiko Izy hoe inona ny olanao.

¹⁶⁰ Ianareo ve hino an'izany, ihany koa, ry mpanatrika? [Hoy ny fiangonana hoe, "Amena."—Mpand.]

¹⁶¹ Tsy maintsy hijanona marina tokoa aho. Io indray mandeha io, ilay olona teto vao teo io, no tokony hanamarina an'izany. Nanao an'izany indray mandeha Jesosy. Tsy nanao an'izany indray mandeha intsony Izy. Nino an'izany ny olona rehetra tao Sykara, nino ny filazan'ilay vehivavy, rehefa tonga izy, niteny tamin'izy ireo, nefo vehivavy iray ratsy laza izy. Vao avy niala ny lampihazo ny Kristiana iray, alohanareo rehetra! Amen. Saingy satria efa tara noho izay heverintsika izao, dia enga anie ny Tompo hanohy hanaporofy ny Tenany, ilay Mpandresy lehibe, mahery, ka ilay Taranak'i Abrahama . . . Fa tahaka an'i Abrahama, Nataony ho an'i Abrahama izany, indray mandeha; avy eo dia nandrava an'izany, ary nanao an'izany indray. Nanohy nino an'Andriamanitra i Abrahama.

¹⁶² Tsy eto ianao ho an'ny tenanao. Eto ianao ho an'ny olon-kafa iray, ary ramatoa iray izany. Rahavavinao izany. [Hoy ilay anabavy hoe, "O Tompo!"—Mpand.] Ary voaaloky ny fahafatesana ilay ramatoa. ["Oadray!"] Ary izy dia mijaly amin'ny—ny diabeta. ["Oh!"] Ary tsy avy eto izy. ["Tsia."] Izy dia avy any . . . Izy dia avy any Louisiana, faritra misy honahona iray. ["Oh, oh, oh!"] Izany . . . Ary ity misy zavatra hafa iray, ka

tokony ho fantatry ny mpanatrika ity. Manana zanakavavy iray izay tena marary ianao, izay nikasa hanatrika an'ity fivoriana ity, ary tratry ny androbe izy. [“Oh, oh, oh!”] Marina izany. Marina izany. Sa tsy izany? [“Oh!”] Mino ve ianao ankehitriny? [“Eny. Amena.”] Raha Taranak'i Abraham aiaao, dia ekeo izany ka mandehana, [“Ry Tompoko! Ry Tompoko!”] ary aoka ho sitrana amin’ny Anaran'i Jesosy Kristy.

¹⁶³ Mino ve ianareo? [Hoy ny fiangonana hoe, “Amena.”—Mpand.] Izany tokoa. Tsarovy, izany no Fampanantenany. Izy no nilaza fa Hataony izany. Mihazona ny Fampanantenany Izy.

¹⁶⁴ Manao ahoana ianao? Samy vahiny isika. Tsy mahafantatra anao aho. Fa Andriamanitra no tena mahafantatra anao. Mino ve ianao fa raha afaka manambara amiko ny aretinao Andriamanitra, amin’izay fotoana izay dia fantatralo fa tsy maintsy avy amin’ny hery ara-panahy iray izany. [Hoy ilay anabavy hoe, “Marina.”—Mpand.] Ankehitriny, zavatra roa ihany no mety ihavian’izany, izay azonao eritreretina. Rehefa vita ilay izy, dia any ankoatry ny fanazavana izany, satria trangan-javatra iray izany. Ary, izao koa, paradoksa iray izany; zavatra iray, eny, tsy voasaina izany, kanefa marina. Ho paradoksa iray izany. Ary ankehitriny dia ianao no mahafantatra an’izany, na marina izany na tsia, ianao no mahafantatra raha niteny taminao ny fahamarinana Izy.

¹⁶⁵ Ankehitriny, tsarovy, tsy mahafantatra anao aho. Tsy maintsy ho Olona iray ankoatrako izany. Raha manao tahaka an’ireo Fariseo ianao, ka nanao hoe, “Oh, fanahy ratsy iray izany,” amin’izay fotoana izay dia mahazo an’izany valisoa izany ianao. Raha mino ianao fa Kristy izany, dia mahazo ny Valisoany ianao. Ny antony ahafahanao hino an’izany, dia satria Izy no nampanantena an’izany ho an’ity andro ity, ary izany dia tsy tanteraka tamin’io fotoana io hatramin’ity. Izany no manao azy ho ny andro farany.

¹⁶⁶ Misy olona iray mitohy miseho eo anatrehanao, foana. Lehilahy iray izany, fotsy volo. Vadinao izany. [Hoy ilay anabavy hoe, “Eny.”—Mpand.] Mipetraka eo mihitsy. Miezaka manaiky ny fahasitranany izy, satria voaaloky ny homamiadana iray, fivontosana, homamiadana. Tratry ny aretin’ny voa ianao, aretin’ny tatavia. [“Eny.”] Ianareo dia Atoa. sy Rtoa. Little. [“Izany izahay.”] Marina ve izany? [“Eny.”] Minoa amin’ny fonareo rehetra, ka aoka ho sitrana.

¹⁶⁷ “Ianao ve milaza ny, ny anaran’izy ireo?” Nahoana, izany tokoa. Tsy niteny tamin’i Petera ve Jesosy hoe, “Ny anaranao dia Simona, zanak'i Jonasy”?

¹⁶⁸ Indro ny lehilahy iray. Samy vahiny isika, tomoko. Tsy mahafantatra anao aho. Fa ianao dia lehilahy iray, tahaka—tahaka an’i Petera nanatona ny Tompo Jesosy, dia tonga miaraka

isika. Mino ahy ho Mpanompony ve ianao? Mino ve ianao fa izay nolazaiko dia ny fahamarinana? [Hoy ilay rahalahy hoe, “Eny, tompoko. Mino aho, tompoko.”—Mpand.] Raha mety mino an’izany ianao! [“Eny, tompoko.”] Izaho, raha misy zavatra azoko atao ho anao, dia ho nataoko izany, saingy tsy misy na inona na inona azoko atao. Izy no efa nanao an’izany; zavatra iray mba hanao anao hino an’izany fotsiny ilay izy. Ary, hitanao, tsy ho izaho izany. Raha izaho izany, izaho dia—dia ho nanao ny rehetra izay azoko natao ho anao aho. Fa Izy no nanome ahy fanomezam-pahasavaana iray, ary mampitony ny tenako eo Anatrehany fotsiny aho, ka Izy no manao ny firesahana. [“Marina izany. Eny, tompoko.”] Mino an’izany ve ianao? [“Eny.”]

¹⁶⁹ Mino an’izany ve ianareo, ry mpanatrika? [Hoy ny fiangonana hoe, “Amena.”—Mpand.]

¹⁷⁰ Te-hahita lehilahy iray aho. Manana zavatra maro tsy mety ianao. Fa ny zavatra anankiray dia, tratry ny fivontosana iray ianao eo amin’ny masonao ankavanana. Izany no tena aretinao. Ity misy zavatra iray hafa, manohy miseho eto ny vehivavy iray. Vadinao izany. Mino ve ianao fa afaka miteny amiko amin’izay tsy mety amin’ny vadinao eto Andriamanitra? Ny aretiny dia ao anatin’ny vavany. Ny nifiny izany. Marina izany. Mino ve ianao fa ilay Jesosy iray ihany, Izay nahafantatra hoe iza i Simona Petera, dia afaka miteny amiko hoe iza ianao? [Hoy ilay rahalahy hoe, “Eny.”—Mpand.] Hanao anao hino betsaka mihitsy ve izany? [“Eny, tompoko.”] Hanao ve izany? [“Eny.”] Oscar Barnes. [“Marina izany.”] Marina ve izany? Zory ny lalanao mody, aoka ho sitrana.

¹⁷¹ [Elanelana tsy voaraki-peo—Mpand.] . . . vahiny aminao. Tsy mahafantatra anao aho, fa Andriamanitra no mahafantatra anao. Mino ve ianao fa afaka miteny amiko Izy hoe inona ny aretinao? Hino an’izany amin’ny fonao rehetra ve ianao? Ny aretinao dia manodidina ny tendanao, ary ao amin’ny tratranao eto. Izany dia—izany dia fahasimban’ny taolana. Tratry ny mivontovonto ianao, tahaka an’izany, ary vona ao anatin’ny rafitry ny taolana. Marina izany. Tsy avy eto ianao. Ianao dia any amin’ny—ny tanana iray izay misy hazo voasary manodidina azy rehetra. Mipetraka ao anatin’ny lohasaha izany, miaraka amin’ny fahatazanana tendrombohitra aoriany. Misy hotely iray any antsoina hoe Antlers. San Bernardino izany. Avy any ianao. Mandehana miverina, Jesosy Kristy no manao anao ho salama, raha hino an’izany ianao.

¹⁷² Zavatra tokana ihany no afaka manasitrana ny homamiadana, Andriamanitra izany. Mino ve ianao fa hanasitrana anao Izy? [Hoy ilay rahalahy hoe, “Azo antoka fa mino aho.”—Mpand.] Minoa an’izany! Mandehana, ary enga anie ny Tompo Andriamanitra hanao anao ho salama tanteraka.

¹⁷³ Vao tsy ela mihitsy ianao no efa nanan- . . . nkorontan-tsaina tafahoatra, tena sosotra. Tamin'ny alàlan'io fikorontanan-tsaina io, dia tafiditra tao amin'ny toerana iray ny vavoninao. Tsy afaka mahalevona ny sakafonao ianao; mitondra an'ilay izy miakatra ao amin'ny vavanao. Asidra iray ao amin'ny vavanao manontolo izany. Indray tolakandro efa tara, dia tena reraka ianao sy ny sisa. Tratry ny fery maharary ianao ao amin'ny vavoninao. Mino ve ianao fa afaka miteny aminao an'izany Jesosy Kristy? [Hoy ilay anabavy hoe, "Eny."—Mpand.] Mandehana hano ny sakafo harivanao, arak'izany. Minoa amin'ny fonao rehetra, Jesosy Kristy no manao anao ho salama.

¹⁷⁴ Manao ahoana ianao? Misy zavatra maro tsy mety. Fa ny zavatra tokana izay atahoranao, dia ho lasa mandringa ianao miaraka amin'ny aretin-kozatra iray. Fa mino ve ianao fa hanasitrana anao Andriamanitra, hanao anao ho salama amin'izany? [Hoy ilay anabavy hoe, "Eny."—Mpand.]

¹⁷⁵ Tompo Jesosy, mivavaka aho mba Hanekenao an'izany ho an'ny anabaviko. Omeo azy ny fahitany. Esory aminy ny aretin-dramatoa, ka ataovy salama ilay aretin-kozatra, amin'ny Anaran'i Jesosy. Amena.

¹⁷⁶ Mandehana ankehitriny, mino. Hataony izany, ary ho mety tsara izany. Aza misalasala, manohiza mandeha fotsiny, ary minoa amin'ny fonao rehetra.

¹⁷⁷ Zavatra mahatsiravina iray ny aretim-po, saingy manasitrana ny fo Kristy. Mino an'izany ve ianao? [Hoy ilay anabavy hoe, "Eny."—Mpand.] Mandehana, minoa an'izany, dia ho vita izany rehetra izany. Efa tapitra ilay izy.

¹⁷⁸ Mino ve ianao fa handringa ianao? Tsia, izaho tsy mihevitra an'izany, mihitsy koa. Ny eritreritro, aretin-kozatra; io aloka eo io, oh, homamiadana izany. [Hoy ilay anabavy hoe, "Oh, oh!"—Mpand.] Mino ve ianao fa hanasitrana an'izany Izy? ["Eny, mino aho."] Mandehana, minoa an'izany. Hanao anao ho salama Izy.

¹⁷⁹ Efa nanelingelina anao izany, vao haingana mihitsy, fahatsentsenana ao amin'ny fo. Fa mino ve ianao fa hifarana izany, izao hariva izao? Mandehana, minoa an'izany, hanao anao ho salama anie Jesosy Kristy.

¹⁸⁰ Efa aretina kely iray, avy amin'ny aretin-dramatoa, nandritry ny fotoana ela. Ary avy eo, ianao dia, manana fotoantsarotra ianao mitsangana amin'ny maraina. Henjana ianao, ao amin'ireo ranjonao. Zara ianao raha afaka mandeha, mandrapahatongan'ny atoandro, amin'ny andro. Aretein-kozatra izany. Mandehana, aza misalasala, tsy hanana an'izany intsony ianao. Minoa an'izany fotsiny, amin'ny fonao rehetra.

¹⁸¹ Manana zavatra maro ianao, fahasaratana. Fa ny zavatra tokana izay nanelingelina anao mafy, dia mieritreritra aretein-kozatra ihany koa ianao, izay izany ilay izy, hampandringa

anao. Mino ve ianao fa hanao anao handeha sy ho salama Izy? [Hoy ilay anabavy hoe, “Eny, tompoko.”—Mpand.] Mandehana, minoa an’izany amin’ny fonao rehetra, hanao anao ho salama Jesosy Kristy.

¹⁸² Fo mikorontana, ary aretin-kozatra, saingy mino ve ianao fa hanao anao ho salama Andriamanitra? Mino ve ianao? Mandehana, ary enga anie hanao anao ho salama ny Tompo Jesosy.

¹⁸³ Azo antoka fa nanome olana betsaka anao io vavony io tao anatin’ny taona vitsy farany, sa tsy izany? Tsy hanome intsony izany. Mandehana, minoa an’izany. Andriamanitra hitahy anao. Aoka ho sitrana.

¹⁸⁴ Ianao dia afaka, ihany koa, sitrana ny vavoninao. Mandehana, minoa amin’ny fonao rehetra. Aza misalasala.

¹⁸⁵ Manana fotoana sarotra iray misintona fofon’aina, mandreraka anao marina tokoa io sohika ratsy io. Sa tsy izany? Mino ve ianao fa hifarana izany ankehitriny? [Hoy ilay rahalahy hoe, “Eny.”—Mpand.] Eny àry, mandehana minoa an’izany. Amena.

¹⁸⁶ Haleloia! Mino amin’ny fonareo rehetra ve ianareo? [Mifaly ny fiangonana—Mpand.]

¹⁸⁷ Vetivety fotsiny. Tsy hitanareo ve io Hazavana eo io? Mijery ahy ny ramatoa kely iray mainty hoditra, mipetraka eto mihitsy, tratry ny fivontosana izy ao amin’ny ilany ankavia. Tratry ny aretin’ny voa izy, fahasarotana. Nanana finoana betsaka ianao. Tsy voatery hiakatra eto ianao. Tapitra ilay izy. Minoa fotsiny an’izany. Amena. Manàna finoana an’Andriamanitra!

Mino an’izany ve ianareo? [Hoy ny fiangonana hoe, “Amena.”—Mpand.]

¹⁸⁸ Mino ve ianao, ranabavy, fa ho afaka amin’io aretin’ny taolan-damosina io ianao, mipetraka etsy? Mino ve ianao fa hanao anao ho salama Izy? Eka. Aza misalasala amin’izany fotsiny, dia afaka hahazo an’izany ianao raha hino an’izany fotsiny.

¹⁸⁹ Ilay lehilahy mipetraka eto, mijery ahy, mijaly amin’ny aretin’ny prostaty, mifoha amin’ny alina sy ny sisa. Mino ve ianao, tompoko? Hifarana izany, arak’izany, raha mino an’izany ianao.

¹⁹⁰ Mipetraka eto ny lehilahy mainty hoditra iray eto, mijery ahy. Mijaly amin’ny androbe izy. Mitady ny batisan’ny Fanahy Masina ihany koa izy. Mitsangàna, tompoko, ekeo ny fahasitrananao. Enga anie Andriamanitra hanome anao ny batisan’ny Fanahy Masina. Amena.

¹⁹¹ Mipetraka eo am-pitanao eo mihitsy, misy ankizy iray mipetraka eo, izay tratry ny androbe ihany koa, karazana famelezan’ny fahatoranana iray, mipetraka etsy, eo amin’ilay

ilany hafa. Mino ve ianao fa hanao an'ilay ankizy ho salama Andriamanitra, eo? Mino amin'ny fonao rehetra ve ianao? Noho izany dia hanasitrana an'ilay ankizy Andriamanitra.

¹⁹² Mino ve ianareo, ny tsirairay avy aminareo? [Hoy ny fiangonana hoe, "Amena."—Mpand.] Tsy—Izy ve tsy, tsy Taranaka Mpanjaka an'i Abrahama marina tokoa ve Izzy? ["Amena."] Tsy Izzy ve ilay Mpandresy mahery? ["Amena"] Nampanantena ve Izzy fa afaka mahazo ny vavahadin'ny fahavaloo ianareo? ["Amena."]

¹⁹³ Firy aminareo no voafatotra, mahatsapa ny faneren'ny fahavaloo? Atsangano ny tānanareo, hoe mahatsapa ny faneren'ny fahavaloo ianareo. Ary Taranak'i Abrahama ianareo, atsangano tahaka an'izao ny tānanareo. Manaova hoe, "Rahalahy Branham, elingelenin'ny fikorontanan-tsaina aho." Oh, misy eo amin'ny valopolo isan-jatonareo no miaraka amin'izany. Hono ho'aho, izaho... Tena matevina mihitsy ilay izy ankehitriny, lasa tahaka ny ronono goavana be fotsiny ilay vahoaka manontolo, saiky manao ahy ho jamba ilay izy, eo amin'izay misy anareo.

¹⁹⁴ Tsy hitanareo ve, fa eto dia misy roapolo na telopolo, angamba, ireo zava-misy, na mihoatra, eto ambonin'ny lampihazo mihitsy ary ao amin'ity mpanatrika ity, hoe tsy diso Andriamanitra? Izany no Jesosy Kristy ilay tsy miova omaly, anio, ary mandrakizay. Mino an'izany ve ianareo? [Hoy ny fiangonana hoe, "Amena."—Mpand.] Noho izany dia nahoana no tsy, ny Taranak'i Abrahama tsirairay, nahoana ianareo no tsy maka an'ilay fanalahidy ankehitriny? Ilay Mpandresy lehibe, izay nandresy an'izany ho anareo, dia eto. Izzy no nanaporofa fa eto. Mino Azy ve ianareo? ["Amena."]

¹⁹⁵ Noho izany dia raiso ny fanalahidin'ny finoanareo, ahinjiro ny tānanareo, ka manaova hoe, "Jesosy Kristy, mino ny fahasitranako aho, izao ankehitriny izao." Mitsangana. Atsangano ny tānanareo, vohay ny finoanareo ankehitriny. "Mino aho, Tompo Jesosy. Mino aho izao ankehitriny izao."

¹⁹⁶ Ankehitriny dia apetraho eo amin'ny iray hafa ny tānanareo. Apetraho eo amin'ny anankiray hafa ny tānanareo, Taranak'i Abrahama iray hafa. Ankehitriny dia mivavaha ho an'io olona io ianareo. Apetraho eo amin'izy ireo ny tānanareo. Hoy Jesosy hoe, "Izao famantarana izao no hanaraka an'ireo izay mino. Raha mametraka ny tānany eo amin'ny marary izy ireo, dia ho sitrana izy ireny."

¹⁹⁷ Satana, nahavery an'ilay ady ianao. Amin'ny Anaran'i Jesosy Kristy, mivoaha avy eto, ka avelao handeha ireto olona ireto, ho an'ny voninahitr'Andriamanitra.



ABRAHAMAMA ILAY PATRIARKA MAG64-0207
(The Patriarch Abraham)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Zoma hariva, 7 Febroary, 1964, tao amin'ny Kern County Fairgrounds ao Bakersfield, California, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org